

程

挹奎樓選稿卷之十

晉安林雲銘西仲著

甬上仇兆鰲滄柱選

同里陳一夔瀕水訂

論

三代取天下論

三代之治天下。純用王道。非後世所能復行。以其取天下之初。其用心。不出於功利。故其爲治。自不雜以伯術也。夫天生民而立君以治之。非獨厚於此一人。使其肆然居民。

上○而○以○位○為○樂○也○故○三○代○之○為○君○皆○以○一○人○而○勞○天○下○後  
世○之○為○君○則○以○天○下○而○奉○一○人○胡○可○為○比○如○禹○之○受○禪○固  
辭○不○獲○而○後○告○攝○夫○子○既○稱○其○有○天○下○而○不○與○矣○即○如○湯  
進○伊○尹○而○使○就○桀○武○王○觀○兵○孟○津○而○復○還○師○無○非○冀○其○君  
之○悛○改○而○已○藉○令○二○君○知○天○下○叛○已○一○旦○翻○然○悔○禍○下○罪  
已○之○詔○立○除○苛○政○則○南○巢○牧○野○之○師○豈○敢○出○亳○都○西○土○半  
步○睥○然○為○放○伐○之○謀○而○湯○武○雖○終○其○身○於○北○面○固○訖○然○樂  
也○至○萬○不○獲○已○而○奉○天○救○民○斷○非○後○世○延○攬○私○人○以○詐○力  
取○之○惟○恐○或○失○之○意○婁○敬○謂○漢○祖○曰○陛下○取○天○下○與○周○室

異○周○營○洛○邑○有○德○易○以○王○無○德○易○以○亡○不○依○險○阻○令○後○世  
驕○奢○虐○民○數○語○知○湯○武○取○天○下○之○用○心○矣○乃○蘇○子○瞻○作○武  
王○論○謂○湯○武○非○聖○人○是○以○後○世○取○天○下○之○用○心○窺○三○代○矣  
豈○有○當○乎○至○引○周○書○無○逸○之○詞○以○上○不○及○湯○下○不○及○武○王  
二○語○為○証○昧○者○稱○其○奇○確○不○知○無○逸○一○篇○周○公○所○以○訓○成  
王○專○為○守○成○之○君○而○發○湯○武○乃○開○創○者○原○不○當○挽○入○篇○內  
若○他○處○竝○稱○文○武○者○甚○多○子○瞻○皆○不○引○証○其○亦○欲○伸○其○說  
而○故○曲○為○之○辭○歟

陽城論

唐陽城爲司諫。七。年。僅。論。陸。贄。沮。裴。延。齡。二。事。韓。退。之。譏。之。於。先。歐。陽。永。叔。議。之。於。後。胡。氏。復。以。不。能。防。漸。評。之。於。史。似。也。吾。以。爲。古。今。諫。官。知。大。計。者。莫。如。城。二。公。徒。執。官。守。以。立。言。未。能。窺。城。之。心。若。胡。氏。之。說。則。迂。且。誕。矣。城。之。始。就。職。也。史。稱。諸。諫。官。紛。紛。言。事。細。碎。天。子。厭。之。城。之。不。言。非。愛。言。也。顧。不。得。國。家。大。計。而。爲。言。卽。有。涉。于。細。碎。也。夫。國。家。大。計。孰。有。過。於。任。相。一。事。哉。前。此。開。元。天。寶。總。一。佞。宗。姚。宋。治。之。李。楊。亂。之。卽。德。宗。任。盧。杞。而。乘。輿。播。遷。又。其。目。前。覆。轍。則。相。一。陸。贄。可。以。治。相。一。裴。延。齡。可。以。亂。不。待。

智。者。而。後。知。也。吾。意。當。日。之。爲。諫。官。者。有。懷。私。而。不。欲。言。有。懼。罪。而。不。敢。言。有。徘徊。觀。望。而。不。果。言。向。之。紛。紛。言。事。至。此。惟。有。付。之。不。言。以。爲。得。計。耳。乃。城。獨。毅。然。以。死。爭。之。且。以。七。年。不。言。而。獨。言。此。使。人。主。知。其。言。之。必。不。可。已。或。深。思。而。起。悟。卽。以。爲。延。齡。相。後。事。事。皆。城。匡。救。焉。可。也。獨。恨。贄。一。蹶。不。復。用。耳。假。令。復。用。卽。以。贄。所。言。所。行。皆。城。建。白。焉。可。也。是。他。人。累。千。百。疏。而。不。能。盡。者。而。城。以。二。事。盡。之。吾。嘗。謂。城。言。過。多。何。反。見。少。耶。或。又。謂。七。年。之。間。城。幸。值。此。二。事。否。則。終。無。以。謝。言。責。此。尤。不。知。城。也。凡。爲。諫。官。

者有循例條陳往往撫拾迂遠瑣屑事務其意以為吾曾有言矣甚而逆探上意與權要風旨逢迎其所喜排擊其所忌以為取容之地及權要事敗之後交口指摘如攻寇讐與自明其無他且以沽直嗚呼城何許人肯與此輩逐隊而趨乎其日夜延客痛飲有以也就令七年之間無此二事城亦高出此輩萬萬矣夫城李泌所薦也計當城之時知無不言言無不盡者莫如陸贄致李泌在中書贄獨無一言有言之者也贄在中書城亦無一言有言之者也贄言且多不見信若疎遠如城早言一日則早遷司業一

日雖欲待二事而發其可得乎又何防漸之有吾以為城乃李泌陸贄之徒一舉而贄不死延齡不相天下不受小人之禍誠古今諫官第一知大計者無奈羣公索瘢不已而范氏之評雖正而不能詳故特表而出之以為諫法說

### 周易爻象說

易圖云有天地自朕之易自然云者謂未立文字之先有不假安排之理後天八卦方位本於洛書此易見也惟先天八卦方位人皆言其本於河圖而不知本於河圖之太

極太極乃河圖內每點各含陰陽之象是也太極左陽而  
右陰上首為乾尾為震父與長男皆屬陽其中一小黑點  
為兌為離則陽中陰也下首為坤尾為巽母與長女皆屬  
陰其中一小白點為艮為坎則陰中陽也數從中起故宜  
以乾左順行坤右逆行而乾一兌二離三震四巽五坎六  
艮七坤八之序起焉從一畫而上加至六十四卦總是每  
卦各加一倍其圓圖亦按此法若方圖則從西北起至東  
南亦如前法橫則本卦為內縱則本卦為外自朕脗合皇  
極經世方圓二圖去八卦之名而存其數則知天地自然

之理無可更易矣上下經卦序每兩卦自相對待除乾坤  
坎離頤大過中孚小過八卦正對餘俱反對陳圖南每卦  
必推正伏參互四體八體亦皆自然而然知此則參同契  
之義亦不難曉

### 金生水說

五行相生其義頗明獨金生水一語費解或云金為火爍  
則融流如水但火熄則復凝為金謂之火克金可也乃謂  
之金生水可乎或又謂天一生水乾為天金屬也果爾則  
地二生火亦可言土生火矣尤屬謬妄蓋月生明於庚方

當申酉之交是爲金魄。金至秋而旺。故月至秋而明。月既至秋而明。故潮亦至秋而大。卽每月中之弦望晦朔而水之潮汐靡不應之。是以方諸得月。可以取水。皆是此理。莊子曰。月固不勝火。言水源涸。不能克火。以致焚和。是四行相生。以其質。而金生水。以其氣。非世俗所能解也。

### 配天配帝說

周祀后稷於郊以配天。祀文王於明堂以配上帝。陳氏謂天卽帝也。有尊親二義焉。夫以天謂之尊。可也。以帝謂之親。可乎。或又謂以形體言。謂之天。以主宰言。謂之帝。然形

體穹然無靈。其靈者主宰也。以文王配有靈之主宰。可也。以后稷配無靈之形體。可乎。然則天與帝之說。何居。曰。天之上。百神所居。不特一帝。而帝之德實爲百神之總。后稷功最大。故凡在天者。無不當配。文王德最精。惟有帝可以配之。配天以功。言配帝以德。言中庸曰。天之所以爲天文。之所以爲文。詩曰。文王陟降。在帝左右。是舍帝之外。非百神所能配。可知矣。况郊爲古禮。明堂爲周制。配帝之舉。乃千萬世特典。不可以常祀論之也。

### 武庚管蔡叛周說

陳龍川論武庚叛周以爲古之忠臣孝子。明郭子章卽以此意論管蔡。母論立議無當。亦未窺見當日事情。夫武庚非管叔不能自叛。明矣。卽管叔亦何嘗欲叛周哉。蓋管叔之監殷。周公實使之。公以弟在內而日親。叔以兄在外而日疎。非大聖人渾同人。我必不能無怨望。此常情也。流言之意。不過與成王疑周公而出之於外。使已代之耳。故當流言之時。未叛也。當周公居東之時。未叛也。卽當罪人旣得之時。亦未叛也。迨成王啓金縢而迎公歸。在管叔以爲不免於誅。安能束手待死。雖欲無叛。不可得矣。是叛周一

節。不惟武庚未料及此。卽管叔亦未料及此也。武庚受誅之日。安知不追恨於管叔之始禍。乃以忠臣孝子屬之。龍川立論好奇如此。然而周之頑民。殷之忠臣等語。已成老生常談矣。豈真奇乎。若郭子章又以管蔡爲文王之孝子。果爾。則武王周公皆不孝者。夫子何以稱其達孝。尤不可訓。乃世人獨嘖嘖羨其翊關而不知其爲龍川所惑。讀古人書。不可無識如此。

### 尾生守信說

秦漢人多言尾生之信。如蘇秦對燕王。與伯夷曾參竝稱。



魏無知對漢祖與孝已並稱夫伯夷曾參孝已義至高豈  
尾生可竝抱柱而死雖近於信但梁下隱僻之地又與女  
子私期更有何事不問而知其為桑間濮上之行矣苟息  
以死奉君命不肯食其言君子猶不取焉以其所輔不正  
也况與女子私期乎若不較論事之邪正止以言之必踐  
為信則盜跖之分均出後不居然仁義乎或言尾生名高  
卽與醯之微生高高以直名既不心其為直以信名又不  
成其為信其人其事皆不足為重輕乃秦漢之人嘖嘖羨  
之誠不明於義理者也

### 曾子守身說

孝經云身體髮膚受之父母不敢毀傷孝之始也世謂曾  
子啓手啓足得全而歸為守身之道若然則平日跬步之  
間得免於顛蹶觸損者皆為守身孝子矣不知春秋之時  
肉刑最濫南宮敬叔以免於刑戮見稱蓋免之若是其難  
也曾子臨深履薄之說實恐不能守身陷於罪戮卽所謂  
君子懷刑耳足械曰桎手械曰梏凡犯罪之人必先拘繫  
其手足而加刑焉故大辟則身毀傷劓刵椽則體毀傷  
髡頭則髮毀傷黥撻則膚毀傷數者辱親孰甚及將死而

命啓手啓足猶言非桎梏而死謂之正命可告無罪誠幸之也所以呼小子而勉之使知守身為事親之本其與顛蹶觸損何與不然事君不忠戰陣無勇皆不得為孝子豈忠臣勇士一一能保萬全乎若樂正子春傷足而憂以明守身者跬步之間亦不可苟恐貽後悔耳非以足之不傷便為孝也此義今人無一知者

髡首之刑載在周禮秋官今人只認作漢法尤可嘆

### 閒情賦說

陶靖節集議者謂白璧微瑕只在閒情一賦儋父遂守其說不知古之忠臣義士不得志於君父之間多借男女相

慕悅之詞以寄其惓惓之意如遠別離長相思妾薄命之屬皆是也離騷於處妃二姚三致意焉豈真好色而云然乎靖節生於晉宋之交稱晉處士安知非不忘舊君而作處新朝而思勝國慮患之道微宜其措詞如此而議者以此病古人所謂白首死章句也

### 不應得為律說

人之情罪於律令該載不盡者故刑律雜犯卷內有不應得為而為之一條以其所犯最輕即至重亦不過杖八十不比名例內斷罪無正條必待奏聞而後決非但補律所

不備兼補名例所不及也。乃近世司讞者多不細按罪犯本律動輒引用又不爲之分別重輕概杖八十草率甚矣。且律文內止載不應得爲而爲之句竝未載有應得爲而不爲字樣蓋以人有所爲則有所犯若旣不爲何犯之有。今如本非親屬遇人爭鬪不行救解本無責守知人犯事不行舉首之類亦皆引用此條似科其應得爲而不爲之罪矣。其與本條文義恐無交涉治律者不知律意乎。

雜著

儒對

客有羨道學之名者施施然以儒自命言必稱吾儒衆譁然笑之曰儒則儒耳何勞君冠一吾字客病其說而質於余余曰吾則吾耳又何勞君續一儒字客拂然而起余曰請問君所謂儒者果何事也客正色曰吾輩讀儒書服儒服安得不謂之儒余曰讀儒書服儒服者吾也畢竟何者是儒君徒知儒之可貴而不知儒之所以貴此葉公好龍之見耳楊子云通天地人爲儒風俗通曰儒區也言能區別古今也始於夫子之告子夏其爲字從需有席珍待用之義禮記儒行一篇頗稱詳悉後世有大儒小儒通儒腐

打李校選和 卷之十  
儒真儒俗儒鴻儒鄙儒醇儒章句儒宿儒豎儒諸名目總  
一君子儒小人儒二語註脚耳君子儒乃真儒凡帝王所  
以爲治聖賢所以爲教皆是也小人儒則濫儒之號而實  
非儒猶言小人之中庸也云爾無奈世之所謂儒者皆讀  
其書服其服而不行其道飾僞亂真無所不至因致反爲  
儒病故莊子詩禮發冢之說譏儒爲盜賊矣秦皇之坑殺  
又視儒爲仇讐矣漢祖之溺冠亦輕儒爲僮豎矣元制人  
爲十等列於娼丐之間且儼儒爲俳優斥儒爲乞兒矣雖  
云已甚但念儒者之假竊亂德非名教之盜賊乎儒者之

譏議亂政非國家之仇讐乎儒者之迂疎不諳其去僮豎  
幾何儒者之文飾取悅其去俳優幾何儒者之營求鮮耻  
其去乞兒幾何嗚呼儒不負人而人負儒以儒相詬病其  
所由來久矣善易者不言易君果能盡其實又何待爭其  
名

新安賓館禁約 巳亥

曩稱輿區今成瘠土漫下徐公之榻嘗窮阮子之車况今  
國法如霜益使臣心似水張羅有雀徒勞停轡觀風彈鋏  
無魚莫悵買船載月殺人媚人吾弗爲也知我罪我又奚

恤焉

墨引 壬寅

余棲心寡好賦性耽幽才謝陳思而志羶八斗敏非枚乘而坐愛千函十載窮經一行作吏聞雞聲而束帶恒局感於簿書聽蓮漏而篝燈尚纏綿於墳史時而公庭吏散冷署花妍硯絕纖塵牀無長物一笏味磨人之句半丸生觸目之懽念貽贈之無多度琦珍之難繼矧夫奚煤韋漆代有其人鯁膽虬脂無非舊物於是遶工簡器採率嶺之精煙運杵營蒸殫南唐之秘製式標五種品待千年特以懸

置高軒勝增鶴俸間一分貺良友豈遜銀鎗偶爾怡情遂公同好即異日携歸閩海閒咏清齋出此數瓣松心濡毫啜賞回憶新安父老豐樂澄川以視會稽一錢鬱林片石之事聊復爾爾或無愧焉

驅蠅檄 辛亥

灰滓餘生芋根異孽形分小大色別青蒼善交足而學繩喜蹋翎而醜扇金膚絳首居然鄉愿沽名鼓吻張喉不過下士大笑謬謂道在屎溺逐臭罔知其污惟求口足肥甘尋羶不避其害飛依驥步響亂雞鳴止棘所以行護集瓜

是其躡進遺污素練遂令黑白無成側翅寒冰乃敢炎涼  
異視茲當三夏大肆陸梁騁點玉之能喉痂觸睫率懷蛆  
之黨聒耳緣唇驅去復還韓公嘲同狗苟無中忽現唐帝  
訝作龍賓嗚呼淮南之豆不靈塵尾之風無力司門犯杖  
難言庫狄之苛拔劍投書豈屬王思之福爰是櫛無穴紙  
斯有懸脂戒釀匠之擁灰學張芬之拈脚八行拜立料無  
郭氏之祥十步塗傷尙有盧君之獵爾等倘能遠引當免  
近災伴虞翻于既亡不失天南弔客探符氏之新詔尙爲  
市上青衣禍福所分從違當擇

討蠹魚文

辛亥

文字之興昉自蝌蚪惟蟲能蟲故跡開後豈意今日積書  
成阜卷舒失宜反餒蟲口曰蚋曰蟬叢生二酉穴穿卷軸  
龍潛蚴蟻纍纍金薤十敗其九發緘視之避人突走形類  
小魚白而生光我聞白魚與周之祥此乃物蠹竊名相方  
不安汗簡不受芸香日咀月嚼罔知味長老死章句腐儒  
行藏三食神仙語何荒唐悠悠今古誰見脉望請問蠹魚  
生者誰力梟獍張吻以怨報德世多爾醜莫可紀極在果  
爲蟪在苗爲騰醢中蚋聚木中蛀食蟻蝨擾身猾胥亂職

本自相生因而相勉。憑藉既亡。豈能獨殖。窺爾之意。自矜清流。啜墨煮字。樂且無憂。長恩不靈。剪氏難抄。詎料日久。積罪如丘。我曾明刑。剔蠹頗優。爾扞吾網。豈能姑留。羣聖列賢。切齒同仇。磔以謝之。死無怨尤。望音亡。平聲。蠹魚三食神仙字。名脉望。形如髮環。夜取以望明星。能感天神下降。授以度世之術。

招隱操 有引

淮南小山作招隱本旨。與左陸之誤。朱晦菴辯之詳矣。戊申春季。望夜。余偶登家樓。開櫺凭几。揮琴數曲。俄而淡雲侵月。微風拂樹。心頗樂之。因記晦菴所著正反二闕譜入。

絃中音節冷然。若不知有塵囂碌碌者。擬代穀城老人屬辭。以復晦菴然。文本情生。放廢之餘。自安寒劣。忘其為山中窮苦。若斬合於淮南本旨。猶強哭不哀。強怒不威。強笑不和。貌似中乖。不足觀也。遂將晦菴反招隱一闕。廣為漁樵耕讀四闕。蓋漁樵耕讀皆隱者最勞之事。惟能隨遇行樂。無不可以自適。彼搢笏鳴騶之徒。豈無甚樂。其中亦有不可告人之處。大約天之生人。無論貴賤。賢愚鮮不苦樂。參半。此有齒去角。附翼兩足之義。欲求兼全。勢不可得。余效顰作此。聊述其無他志願。非為林泉薜蘿增氣色也。

西巖之濱。秋葉岸楓。陬乘孤舟。上下長溪。碧流草簍。竹笠懸  
絲。鈎浮生何處。乾坤水中漚。我愛春江輕煙早銷。我愛  
秋潭明霞夜留。撒網忘機。狎沙鷗。舉荷裹冰鱗。移棹發磯  
頭。極目蒼茫遠洲。日暮欵乃聲聲幽。此間至樂。豈知有王  
侯。  
右漁

北山之陰。竹瓦柴楹。烟宵縈日出。方知曉晴碧崖綠。岫遙  
相迎。橫柯登徑。蹊間友颺颺。我聽巖阿飛松鼓濤。我聽  
林叢棲禽。呀笙運斧。雲根響丁丁。垂蘿束枯薪。村右換醺  
觥。淡月偏能多情。步步伴送歸山程。優游靜域。此中有真

榮

右樵

東林之隈。沃土新田。泉涓涓迴繞。柴門樹邊。枕鋤擁褐牛  
傍眠。鷓鴣啼起。晨風待村前。我見平疇當陽麥榮。我見  
高原迎陰草芊。驟望疑鋪綠毛氈。桑麻倚墻生。雞犬繞籬  
旋。不問籌車有年。嘯傲白眼桃源天。偷安自足。快心有誰  
先。  
右耕

南村之岑。剡徑交柯。開雲窩古壁。參差女蘿。曉禽暮犢時  
相過。橫經初罷。徐行發商歌。我不希真咕咕步虛。我不  
諛禪喃喃薩婆。草滿牕前。意如何。揮絃引清風。淘硯蕩凝



波不羨文章懸河論世尙友胸爲羅當前千古掉頭傲鳴  
珂右讀

祝文

辭徽州城隍祝文 丁未裁缺

某之始至也。曾與神盟。言猶在耳。今行矣。舉官守以相質。所以明不苟也。若鋪揚失實。矯誣之罪。安所逃死。李官預官評司刑獄。爲上臺耳目之寄。郡事皆得與聞。某譎劣下材。難勝其任。自知鰥曠。多端功罪。錯出然而營私。愾法黷貨。求容。如今日所謂良有司者。匪但不敢。亦且不能。奈此

土夙稱善地。救過之勞。十倍他郡。以故頻年。速禍幾陷。不測。某常語人曰。新安官吏。惡不易爲。善亦不易爲。以媒孽之者。衆也。茲賴神慈。得以息肩歸里。尙復何求。但廻思九載以來。苞苴竿牘之風。日甚一日。誠爲江河難挽之勢。近者流亡未集。十室九空。而虛名猶居然如昔。恐繼此以往。官病民。民病官。官與民交病於善地。兩言蓋有不忍道者。將來神見之。某不復見之。而亦不願見之也。悲哉。神幸以斯言爲左契。

辭齊雲山祝文

丁未

神之鎮茲嶽也。與黃海齊名。然黃海廣袤寥濶。分據宛陵池陽二郡。其爲靈也。必博而不能。特惟神屹處郡治之中。則凡郡治之事。周悉無遺。莫神若矣。某竊祿日久。黃海不能一至。而茲嶽且三至焉。先年直指使衛公議復。明初香稅。某力爭始免。諸黃冠因托足不廢。是神於某相遇甚頻。而某亦未嘗有負於茲嶽也。但神旣爲全郡專鎮。則郡事皆其所事。凡某待罪以來。一有負地方者。皆所以負神在。神雖欲違公私祐。有不可得。茲計九載之內。或慙而不能結人之援。有負當路。或恡而不能給人之求。有負上官。或

隘而不能容人之過。有負墨吏。或執而不能徇人之請。有負交遊。慙也恡也。隘也執也。爲衆怨之歸。此皆某之罪也。獨是地方之利病。休戚。暨有所見。惟力是視。已能行者。行及之。已不能行者。言及之。而大獄出入之間。縱有不明。斷無不公。始終有如一。日此某所以自信。庶幾無負者出乎此。則入乎彼。苦於勢難。兩行動與禍會。而今已矣。學稼學圃。某之素志。或曰擇禍莫若輕。或曰轉禍而爲福。其然乎。其不然乎。併舉以質。

辭汪越國公祝文 丁未

惟公功德在人。廟食六邑。赫赫靈爽。攷之他郡。無有今在。籍爲編氓者。非公之雲。仍則公之戚族也。世有恤其親而。不見德。暴其親而不知怨者乎。今某何待贅述。一詞顧念。公之功德。以保障著者也。歲己亥。海逆入犯。隣封失守。衆志囂然不一。某虔禱於公。矯公見夢以鎮之。公所知也。監司孫公遣兵夜擒莊芝。某恐掠擾居民。請纓縛獻。且焚其篋中書。以安反側。公所知也。營弁唐劉李威輩奉調逃歸。攻城掠野。某親往撫服。出其所掠子女。以數百計。悉令還家。時爲卓營將。激變再叛。幾死虎吻。公所知也。他如小廉。

小惠職守宜盡。無關於保障者。皆不足爲公。賈陳耳。迨次年。直指使入江南境。談及新安善地。嘻嘻然欣不自持。遂傳檄司臬廉某罪狀。大肆擾索。某恐死而無名。不敢少有。所拂因致紛紛多事。此某日夜拊心而不自寧者。厥後患難相繼。席不暇煖。而憂讒畏譏之餘。罔敢少踰跬步。不任受德。亦不任受怨。如是者六年。今當進退兩難。委板無策。倏爾告罷歸里。非邀公厚庇。何以致此。而後知公錄人功。忘人過。不怨某而德某也。如此茲長別矣。徽俗祀公者。皆延巫歌舞以承公歡。某不敢違敬。解所佩劍起舞。且歌曰。

謝神靈解掣繼勞臣力已竭臨風按劍唱驪歌吐盡九年  
熱血世途多磨折痛定思痛搖頭咋舌望仙霞彈長鋏白  
雲深處伴啼鳩

獄中祀竈文

乙卯冬十有二月丁丑之夕林子以香茗清酌果麩之儀  
致祭於竈神而祝之曰惟神稱司命爲禍福之寄世俗之  
祀神也僉謂神今夕上朝天帝奏報人間所爲善惡祈爲  
掩覆一二以延生增祿由來舊矣某所爲善惡神當知之  
知之宜奏報無隱然猶有所祈者蓋有異乎世俗之祈也

按春秋傳晉卿士燮當鄆陵敗楚之後知禍亂將作命祝  
宗祈死越數月士燮果卒厥後三郤之難燮獨不與夫好  
生惡死人之常情而樂則思生痛則思死亦情所必至也  
某生逢危亂爲虛名所繫無所逃死邇者旣難之作所以  
不死者間不容髮使某昔年溘然早逝必不及見今日之  
事因歎世人有不幸而死者亦有不幸而不死者不幸而  
死人皆知之若不幸而不死恐將來不得死所反不如速  
死之爲愈尤悲痛之極也今亂且未已計大軍之後必有  
大禘大禋之後必有大癘某縱今日微幸不死安知他日

不死于兵。不死于餓。不死于疫。也。卽他日不爲此數者而  
死。而目前無窮之求索。無形之陷阱。其能免乎。古人云。知  
我如此。不如無生。今旣生矣。若引決自裁。毀傷先人遺體。  
於義不可。但念及晉卿士燮故事。則死猶可。祈經曰。考終  
傳曰。正命得全。而歸之幸也。某今行年四十有八。雖不謂  
壽。亦非夭殤可比。生平行誼。無甚虧玷。先人窀穸已畢。兒  
女成立。不能遠慮。是以敬布區區。向神陳乞。轉奏帝前。使  
死而無知。則將化爲游雲。蕩爲輕風。散爲塵埃。野馬往來。  
太虛中。與造物者遊。其於苦樂之數。總無所與。如有知也。

則將爲鳥而飛于天。爲魚而沒于淵。爲鼪鼯而藏於空谷。  
絕不聞天地內有人間世者。卽或受形爲人。亦必遲至承  
平之後。仰跡光天。化日開口而咲。不識兵革爲何物。以今  
日未盡之年。爲再生有餘之壽。哀多益寡。耄耋弗衰。神之  
惠也。非所敢望也。神其圖之。

獄中觀音堂懺文

丙辰春二月。林子囚莆。七月餘。復改囚候官縣獄。獄中有  
觀音堂。環堵不踰丈。內供養觀音大士金身小像。余瞻禮  
畢。遂寢息其中。堂後糞穢充積。腥臭困憊。群囚往來拜禱。

垢膩嘈雜夜巡擊柝聲達曙不輟余困甚因布席膜拜合  
掌禱請曰此何地耶某何以至此有罪耶無罪耶前世因  
耶現世因耶乞告某以故某當懺悔連擲數筭不應余不  
自得復前請曰某獲罪之故某自知之此時何時猶言有  
罪無罪耶猶較論前世後世耶卽當懺悔擲筭又不應退  
而思之大士在此非不余告也余非受拘迫必不肯處此  
誰復拘迫大士使其捨清淨之普陀來受喧擾穢觸乎就  
令慈愍衆生不惜隱忍來此度脫但念大士願力弘深何  
難化令衆生無貪嗔殺害之心盡措之清淨法界空諸圍

土必待其入圍土後方爲度脫是何異禿而施髭病而求  
醫從事何太晚也如謂大士本不在圍土中因衆生稱念  
名號尋聲而至似有像與無像同有堂與無堂同且彼負  
罪者稱念名號可以乞靈蒙冤者不稱念名號難期拯救  
則大士又喜人諛佞與世界衆生等必不然矣又不特此  
也自度度他者菩薩摩訶薩本行當此是非難明之日而  
群囚日以香華燈燭爲大士莊嚴吾恐赫赫金身萬一有  
波旬魔衆指爲真金范成剝膚之患當不旋踵大士在此  
亦不能無自危者安能爲衆生計度脫宜其屢請而不余

告也是夜倚壁而寐夢一胡僧環眼虬鬚舉杖過余首曰  
咄此非想非非想天也大士應身充滿法界何言在何言  
不在遂亟起懺悔曰世事黑如漆佛法朗如日南無觀世  
音菩薩摩訶般若波羅蜜

弔獄鬼文

丙辰秋七月林子繫獄久每夜半卧側聞哀嘯聲復作聚  
語喁喁如納頭甕中而言者諦聽之殊不可辨據牀環矚  
瞥見牆畔青燐擾擾明滅異狀就視無所覩或曰此獄鬼  
所爲也乃憂石取火燃燈柱草爲香裂楮爲帛撮沙爲飯

掬水爲酒整衣磬折執盞澆地者三哭而弔之曰嗚呼自  
古迄今生必有死順受其正夢覺等耳悼爾不辰獨殞於  
此長夜啾啾情固難已在昔昇平囹圄可空殺盜重犯方  
繫其中有致死者與伏法同生旣負罪死何怨恫豈意今  
日閩疆變故虐燄煽張鬼伯當路良懦百千驅入蚊聚飢  
寒沴疫橫死無數爾雖抱痛務具曠觀此時此地逃避實  
難八閩之內謂之大獄同歸於盡無遲與速高堂非榮園  
土非辱天運使然安辭荼毒人惟有身可以羈縻爾旣無  
形往無不宜各歸故里依爾妻兒歲時享祀其樂怡怡何

故○趁○起○長○留○此○為○若○謂○無○辜○義○不○受○死○伊○誰○禍○汝○汝○必○知○  
矣○彭○生○為○戮○豕○啼○貝○丘○趙○王○殞○醜○犬○撒○被○遊○杜○伯○射○鄩○周○  
宣○羅○憂○良○霄○介○行○駟○段○是○求○載○在○往○牒○毅○魄○孰○傳○爾○有○所○  
逞○亟○喉○同○類○控○於○百○神○上○天○下○地○彼○罪○貫○盈○必○無○私○庇○羣○  
入○其○宮○為○妖○為○崇○褫○其○魂○魄○蕩○其○心○志○礪○刃○以○須○乘○彼○不○  
備○號○曰○鬼○雄○豈○非○僮○事○言○未○畢○忽○聞○墻○畔○長○嘯○數○聲○哀○而○  
且○厲○已○而○寂○然○次○夜○遂○不○復○至○  
自是耿逆府中妖祟大作晨昏不寧亦一奇也

代祭火神文

壬申

維神位正南離權兼東震除邪必力佑德無私杭郡為三

吳百越要區實纂組雕文名地向以俗趨淫巧人鮮姱修  
兼之吏尚虛文澤難下究以故神靈示戒間左多災因而  
保聚無期民生日感邇者聖天子躬宣雅化節儉為先  
大中丞倡守官方清勤獨著岳牧爭求致治土風漸可還  
醇幸賴洪慈特垂洞鑒三年息燄百室寧居慈值積陽下  
澣良辰為神啓瑞鍾靈佳候列城欣戴足爾星馳萬井謳  
吟聲喧雷吼某等分符郡邑雖知負愧循良勵志晨昏敢  
不關情疴癢念黎庶之仰恩如覆如載皆謂藉蠲災之德  
以為生乃明神之得壽無始無終豈可援久視之詞以為



祝用是七齋致祀俎列牲牲百拜輸誠儀周犧象伏願普  
綏城邑永戢焱烟乃寢乃興百千里受併幪福澤爲祈爲  
報億萬年効妥侑馨香矣尙饗

壽文

恭壽堂祝叙

西泠浮屠鑿微師籍本福唐余同里也與練江劉君毅可  
爲方外友一日持毅可七十祝詞及其自述梗槩屬題其  
端余因知毅可善讀書口不問家人產常以申屠蟠陶潛  
自期客寓春穀所與交皆當世名宿洵一代隱君子也是

可以壽矣丈夫生當斯世讀聖賢書旣不能致身廟堂澄  
清吏治扶植教化有利於人卽當退處山陬海澨向泉石  
烟雲中特立獨行求其無媿於已老益壯而窮益堅安能  
役役爲轅下駒竊位翫法作負販生涯俾郡邑多一蠹賊  
上官多一虎俚耶毅可早見及此陶然自適而寓意於絲  
桐一彈再鼓之下絕不慮流水高山知音者少且舉以自  
號又似乎能平其心非有托而逃者其所得未可以尋常  
測也夫積日成月積月成年積年成世而俗惟以所歷之  
久謂之壽但於旣積之後追思所歷皆爲陳迹不可復留

為。徐。為。彭。終。歸。有。盡。與。蟬。螿。短。景。相。去。幾。何。惟。能。特。立。獨。  
行。無。愧。於。已。則。在。我。之。所。得。可。以。一。日。亦。可。以。百。世。蓋。為。  
一。日。不。可。少。之。人。即。為。百。世。不。可。多。之。人。於。以。傳。之。簡。編。  
勒。之。金。石。雖。謂。古。聖。賢。生。于。百。世。之。上。至。今。存。焉。可。也。是。  
其。所。以。為。壽。無。有。窮。矣。余。向。乏。早。見。司。理。練。江。九。年。迂。拙。  
違。時。困。於。大。吏。譴。呵。未。伸。素。志。幸。而。汰。冗。歸。里。又。值。閩。變。  
無。家。落。魄。西。湖。今。老。矣。去。日。苦。多。故。鄉。之。害。氣。未。除。不。堪。  
回。首。負。媿。虛。生。安。能。如。毅。可。改。號。練。江。旦。晚。俶。裝。即。遂。其。  
水。源。木。本。之。願。乎。然。有。生。皆。客。也。樹。立。存。乎。其。人。如。嚴。光。

勵。操。以。名。其。州。程。敏。力。學。以。名。其。縣。地。反。以。隱。君。子。增。重。  
改。號。古。今。人。何。遠。不。相。及。此。即。老。益。壯。而。窮。益。堅。之。意。彼。  
此。可。以。交。相。勉。也。余。既。重。鑒。微。之。請。又。嘉。毅。可。之。志。不。同。  
流。俗。故。綴。以。蕪。詞。若。夫。頌。祝。之。言。則。諸。公。皆。非。貢。諛。者。余。  
不。復。云。

壽陳麗東參軍

古。今。稱。壽。者。當。以。三。不。朽。為。定。論。餘。無。取。焉。乃。世。人。多。未。  
明。其。說。謂。其。德。功。與。言。傳。之。勿。替。以。為。不。朽。者。名。而。已。夫。  
功。與。言。則。人。所。得。見。而。德。非。人。所。得。知。以。名。為。不。朽。何。以。

處乎被褐懷玉者也。茲姑勿論。今有同里相悅，隔牆譽其人之善，而其人弗知也。况上下千百世間乎？是世所謂不朽者，果無與於壽矣。然則不朽有說乎？曰：不德之德，謂之立德。無功之功，謂之立功。希言之言，謂之立言。若是者，道也。道無古無今，無始無終，稱不朽者，歸焉。故曰：真壽麗東。涼先生以仕不擇祿，椽於臬者三稔。余嘗往來金陵，為莫逆友。知先生人貌而天，以斯道自命者，每與予談易象，多所發明。一日忽謂予曰：吾自得子，而性命之學以明。益信先生所得之深，殆非予所能及。吾師乎！吾師乎！長於上古。

而不為老。蓋以是已。丙午仲冬之望，為先生大年初度。凡知先生者，相率晉賀酒。半縉紳大夫有酌而祝曰：先生膺寵命以來，在公敬慎，罔有怠肆。恭則壽，先生有焉。都人士又酌而祝曰：先生治獄，民自不寃。計自今活人多矣。天壽平格，願先生無讓。吏人執事咸進而祝曰：吾儕小人，知公重積德，三槐之報若持左契。行將壽國壽民，佗耶彭耶。不足多也。余知先生最深，何可無言。又不敢誦衆言以為言，兩忘而化其道，故以不朽之說進。

代孫郡伯壽張別駕

辛亥

今上御極之十年苞桑壽於箕翼是冬之仲月出庚方紫  
烝纏牛女之次煜煜然臨於武夷郡治爲別駕永菴張公  
孤門之辰時諸父老及多士凡食公德者皆驩然躋堂恐  
後而總戎蔡公暨諸僚屬咸拜手詔予曰吾儕與公鴈行  
日襄厥事諸僚屬則俱從公後沐公之化者也皆不可以  
無言言之莫如子宜余拜手曰唯唯昔孫抃云別駕古監  
郡之職一郡利害全籍謀議指畫與僚屬不同則官守若  
是其難也富沙兵燹之餘如顛木由藥民生日感四方良  
楛錯處則時地若是其難也先是丞倅二席分理屯儲外

如彌盜詰奸諸務丞實當司之近復舊制惟倅是問則責  
成○若○是○其○難○也○雖○然○以○公○處○之○皆○若○無○有○難○焉○者○公○三○晉  
名宿以孝德著於鄉其爲學深博無涯涘盱衡千古瞭如  
指掌射策大廷之後猶閉戶揣摩二十餘載不輕一試割  
割其積素已有本如此單車甫涖郤苞苴屏竿牘凜然有  
冰檠聲而脫粟繒衣自供之穀不異寒峻與人交恂恂乎  
長者絕去町畦以通忱悃至於臨大事決大疑則岳立不  
可撼無椎拍輓斷之習其砥礪樹立又不苟如此余守茲  
土有年蒿目時艱如涉大川庶幾以將伯之助無臭厥載

乃問有親困倉稽鯁斛釐革羨耗苛征使吏絕中飽軍不  
呼庚者乎僉曰惟公之能問有竭五聽樂矜全不事毛舉  
驚擊使民願質成庭無鈎鉅者乎僉曰惟公之能問有飭  
守望嚴摘伏不矜縫裾鋤筭使農桑晏如暴客屏跡者乎  
僉曰惟公之能是余所欲矻矻自効者業無不得之於公  
而後知公與余果能相與以有成如此今日者重諸君之  
請余慚無呂徐州佩刀不能為休徵增重行將紹介武夷  
君乞鈞天之樂於帝所維帝歆公之德必得所請因歌武  
夷酌而為公壽歌曰武夷之巔商雲覆綿伊誰為之丰采

高懸武夷之碕良材蕃滋礫礪千丈大厦所宜武夷之麓  
峙為地軸億萬斯年不愆陵谷

壽願且菴侍御七十

丁卯

余客武林始至卽得交待御願且菴先生先生年長於余  
者十為海內譽望所歸雅知有余然予性簡佚苦世俗苛  
禮握齟輒扃戶不與接以故數年來亦罕得過先生之門  
請益云丁卯春予方謀為燕市之遊襆被瀕行適聞先生  
以是年六月壽登杖國因讀其元日預為約客之文屏魄  
遺納讜言謂一年中皆可稱壽不必以所生之日為期蓋

為世俗趨於華而欲挽之以簡也。世俗徂於勞而欲應之以佚也。是皆余之志也。且顧余廬而命之曰吾先為是文必俟此生得至元旦方敢舉以約客。似有得於古之真人。條然往來之意。不知此身之為真為妄者。余益服其為有道君子之言矣。且夫天下真妄何嘗之有。庸詎知吾所謂大地山河者之非妄耶。庸詎知吾所謂蜃樓蛟室者之非真耶。罔兩之間影也。蝴蝶之夢周也。非置身於世之外兼置身於身之外未易辨焉。但計吾自有生以至今日其間轉瞬遷流若馳若驟為真為妄總無定相若以壽為慶也。

去日既不可挽來日又不可知誰為壽誰為非壽者先生獨以一年中皆可行之不必待所生之日而始慶余謂自茲以往凡無窮之日無不可以此意通之亦不必待十年之後而再行此理有固然匪但挽華歸簡反勞為佚而已。余樸陋寡文不能擇言為先生誦之。惟俟茲秋之半計必自燕市告歸時馬齒適當杖鄉請從先生後陟吳山絕巘。觀化於大海驚潮塵埃野馬與終古不改之物為徒獨往。獨來於太虛間以閱衆甫是一日中又具有千百年之意。尤至簡而至佚者以此壽先生且以自壽視世俗之車馬。

駢○園○苛○禮○握○齟○執○妄○爲○真○以○妄○慶○妄○華○不○足○而○濟○之○以○僞○  
勞○已○殫○而○繼○之○以○困○主○客○之○間○不○至○於○面○諛○腹○誹○尊○昏○背○  
憎○而○不○已○者○其○相○去○何○等○也○若○夫○追○論○平○生○閱○歷○之○榮○履○  
蹈○之○正○問○學○之○廣○如○柱○後○惠○文○絳○騶○蒼○佩○則○先○生○今○日○之○  
腐○鼠○也○攬○轡○澄○清○嘉○謨○入○告○則○先○生○今○日○之○遠○廬○也○載○籍○  
極○博○儷○采○擷○華○則○先○生○今○日○之○糟○魄○也○而○世○俗○猶○竊○竊○然○  
執○蕉○鹿○芻○狗○以○爲○先○生○詒○謀○燕○翼○之○善○所○謂○老○而○傳○者○端○  
在○乎○是○是○求○馬○於○唐○肆○耳○余○謂○先○生○有○道○君○子○也○旣○不○受○  
他○餽○卽○於○其○言○亦○必○有○所○擇○故○不○敢○爲○世○俗○之○詞○特○以○荒○

言○請○益○亦○本○先○生○命○余○之○意○而○引○伸○之○庶○不○爲○諂○子○嗚○乎○

壽○李○偉○吾○守○戎

壬子

世○人○言○壽○者○大○抵○謂○吹○响○呼○吸○熊○經○鳥○申○可○以○延○年○此○俗○  
諦○也○然○程○伯○子○爐○火○之○譬○風○中○密○室○其○爲○暗○隱○相○去○幾○何○  
余○以○爲○惟○佛○稱○無○量○壽○雖○經○千○萬○億○阿○僧○祇○劫○迥○然○獨○存○  
人○不○能○知○猶○蜉○蝣○以○晝○夜○爲○百○年○而○不○知○人○生○之○百○年○也○  
此○真○諦○也○古○燕○李○公○偉○吾○素○持○梵○行○國○初○偕○伯○氏○先○後○入○  
閩○全○補○提○營○守○戎○凡○所○區○畫○悉○寓○曹○溪○守○綱○之○意○嗣○伯○氏○  
改○補○梁○城○公○獨○卜○宅○富○沙○時○當○兵○火○之○餘○如○治○橋○賑○乏○諸○

舉靡不捐捨恐後又嘗倡修古刹遍叅諸善知識輒有解  
悟飯僧數至千百曲盡虔潔且梓行金剛楞嚴文塔及放  
生戒殺諸說化者甚衆人皆稱爲張無盡楊大年一流人  
物夫樂善好施之家粗知利益衆生而不知無生宗旨爲  
最上之乘乃清淨自喜之輩尙事磨甄長坐又猥云住相  
布施爲有漏之因二者總屬邊見安有兼明世出世法財  
施法施由檀波羅蜜以漸進第一波羅蜜如公者乎茲歲  
某月爲公五十孤辰登堂諸君僉屬余一言引爵余惟就  
尋常俗諦爲詞則公以中身之年韜鈴素嫻當備 聖朝

闔外之寄而三鳳繼起比跡河東人皆知之惟是公以宰  
官身荷擔佛法方便知見俱足則現前之黃花翠竹無非  
法身方且供養百千萬億那由他諸佛共證金剛不壞卽  
以丹山碧水爲公之菴羅樹園可也何爲壽何爲非壽若  
僅舉延年之說則郁離所謂矢蠃豢龍者矣

壽王母茅太君八袞 庚申

余客杭得交胡子天爲讀其文因詢所師則郡之名宿王  
子元粲也元粲及門多知名士事其母茅太君以孝著余  
竊心儀其爲人一日天爲詣余門請曰吾師之母以茲歲



十月爲大耋悅辰。丐一言引旣爲陳懿行甚悉。余作而歎曰。而乃今知之乎。太君以名閥淑媛克相夫子。操作於山阿。水湄間不辭艱瘁。殫婦職者。容或能之。惟是稱未亡人。以後撫茲藐孤。持家政。內外曲盡。則母也。而父矣。取所藏遺書。泣示元粲。勉其力學。俾勿替前人光。則母儀也。而師範矣。飭子婦以儉素。人有過。正容以悟之。而居心冲澹。伎求俱泯。則巾幗也。而有道仁人矣。夫壽者疇也。又受也。譬之燕飲。醕酢天爲主。而人則賓。各以其量爲受。太君之爲德也。如此積之厚。而發之長。所謂注不滿而酌不竭。其量

則然矣。茲元粲才名籍甚。爲多士矜式。視其良。旣爲秋栢之實。則處非明高出。非慕榮而太君以形康神王。享有大年。或當身。或逮後。彼其於致福者。未數數然也。若論世俗鄙見。則必以膺仕爲尊。受祿爲養。而菽水之歡。不與焉。但惟高堂之上。有此不易得之歲月。而合多士之驩心。雞豚逮存。就令國家開三徵九聘之典。蒲輪相錯於道。余知元粲以毛義捧檄之心。不得不轉爲李密陳情之心。慈孝相成。期願未艾。使俱曰。子有其才。不必以圭組重母。有其德。不必以章服榮也。豈非當前僮事乎。登堂鞠脮之餘。有

持世俗之說進者余請洗觶以揚其後酌曰某飲斯又酌  
曰某飲斯然後莊誦茲說而正告之

挹奎樓選稿卷之十終

挹奎樓選稿卷之十一

晉安林雲銘西仲著

甬上仇兆鰲滄柱選

同里陳一夔瀕水訂

祭文

總督中丞范公告文

公諱承謨字觀公壬辰進士丙辰九月十六日耿逆府內遇害

康熙十有五年九月余坐繫兩載王師抵劍津耿逆勢感  
上下相猜屢興大獄死者不可指數候官邑獄內八日之  
間自外猝入而縊殺之者十有九人他獄稱是有一人形

貌端皙衣綠綈袍瀕死北向望闕叩首者三復遙拜父母  
畢起與僞監刑交拜解袍爲贈又出白鏹一錠授之云乞  
代我買棺語已三號方就縊余異之詢諸獄卒曰此總督  
大中丞范公介弟名承譜也其十八人及他獄中所縊殺  
者皆公從者也余聞而大駭乃密書公職銜姓名俟夜分  
設位於獄中觀音小像龕前焚香再拜而哭之曰嗚呼公  
遇害矣痛哉公之入吾閩也墨吏爭礪其操服公之清奸  
胥爭守其法憚公之明黃童白叟欣欣然相慶於道謂可  
以立致太平莫不戴公爲怙恃倚公爲長城閩變而後民

皆不知公之存亡然而思公望公之意未嘗一日而少更  
今見公之人皆自內捽縛而出也則知公前此必且爲南  
冠之久縈又見公之人皆接踵就縊而殞也則知公當此  
必不能免害而全生嗚呼彼欲甘心於公久矣豈至今日  
力窮勢感尙肯忘情夫人誰無死以公之從容就義而死  
死有餘榮揆之古人如盧龍之於秀實范陽之於杲卿雖  
能戕其身不能歿其名惟是思公望公者無復覩公之車  
旌吾知此日八閩中霜林搖落寒風悲鳴無非助編氓之  
巷哭血淚之縱橫某旦暮就死人也○不暇自哀惟欽公之

大節亦貫涕而吞聲嗚呼痛哉

左司寇鄭公告文

公諱重字山公建安人戊戌進士歷任刑部左侍郎康熙甲戌卒于

京師閱邸報設位向北哭之

嗚呼公亡而古道絕矣公之文章政事勒諸簡編措諸邦國者人所共知惟其自待待人可以砥礪末俗則非今世負才之士所能庶幾蓋以天資沕穆學術淵微故能自處於厚而不計人之薄自處於誠而不責人之欺四十餘年中備歷華臚既不激亢以絕俗又不突梯而詭隨第求其心之所安而盡其力之能為揆其用意祇欲為國家培元

氣以樹治化之基所謂日計不足歲計有餘原無藉於赫赫之功炫耀矜奇余嘗見諸同儕臧否當代人物各是是非非獨至於公則惟有誦義無窮動色相向不能置一詞乃知公之盛德在人由親及疎皆始終如一窮達弗遺即鄙賤如余眾所共棄亦不以涼燠異視輒為無報之施是公存而古道亦與俱存以世風日下祇賴絕無僅有之人傑為之柱維胡為偶犯微疴遂騎箕尾翛然坐蛻於京畿在公貴而且壽已立三不朽於世存沒等之去來本無足悲但公既沒母論當代鉅卿必無一人能如公之周急

扶危卽平日食公德者或得志於時亦未必肯念公之孫  
子而各効其私况外此之親故窮乏更何望其推食而解  
衣嗚呼習俗勢利車笠雲泥生死之間尤易背攜典型已  
謝則古道終無再續之期余雖爲廢棄陳人猶不能忘情  
於世教思公不可復見惟有涕下而獻歎

祭俞殷書文

公諱灝號可菴錢塘人戊戌進士歷任江南揚州郡丞

嗚呼君爲文章淵湛渾噩海內沾丐香名布濩飭躬端嚴  
明志澹泊超然素心繁縟畢削歲當戊戌對策鵠鵠余以  
末材先後連躋曲江同宴不踰三爵歌舞未終健兒爭攫

我榮恩賜先捧入橐君亦寄藏持歸爲樂我理新安自虞  
才弱君刺桐川遊刃盤錯治壤咫尺交諮民瘼余慙而狂  
跳跟大噉同官一二謹譁爭謔獨君矜莊不愆繩約飲人  
以和解衣槃礴已亥五月海氛甚惡隣封失守所在風鶴  
惟余二人獲保城郭繡衣使者奏功鳳閣自是以後我罹  
蜂蠶君憂苦塊音書寂寞我歸閩中十載藜藿兼際兵火  
故園燔燼長鯨雖擒無家自託西湖羈旅把臂如昨且示  
新篇陸離閔博軒衣語我生年難度惟茲不死千禩昭焯  
未踰數晨微聞疾作謂偶失調有喜勿藥豈知造化遽移

舟壑地下修文料無君若世人初交管鮑何作有急投懷  
虛糜杯杓龍眼忽赤以人為雁交情至此秋雲嫌薄念君  
生平不輕然諾甘絕淡親語堪咀嚼天奪良朋倍增蕭索  
茲駕靈輻執紼涕落悲風颼颼恭獻清酌巨卿素車情通  
冥漠龍眼二句用柳毅見老龍事

祭戴型遠文

公諱京曾號岵瞻錢塘人已丑進士歷任順天府丞著西銘解箋心賦註禪波羅密節要唐譯楞伽引諸書病亟而笑

嗚呼余之知公猶公知余庚申春仲御李之初聆公緒論  
讀公註書聖門精義闡發無餘貝葉大乘究其極則三招

余至各言所得促席探尋自朝至晏詮到忘言相視而默  
公謂家居間有作息馳書訂余入山同力念公文章價重  
連城論公仕宦備歷顯榮海內有耳咸稔芳名獨茲絕學  
世所罕明章句門戶拘儒蚌鷸公求諸心三氏歸一望木  
為雞視輪作蝨功入甚深匪言能述書偈彌留維摩示疾  
一笑還虛太空為室生有自來死有所為解脫墮袞薪盡  
之時不亡者火當無窮期公既如此夫復何悲余傷末學  
失在交臂誰與鑪錘息黥補劓師資已往敷門自寄悠悠  
斯世明眼無二敬叩靈輻束芻拜致生死交情寧敢遺墜

哭亡室蔡孺人文

諱捷字步仙生於崇禎乙亥十月十六日巳時順治辛丑以

勅封孺人康熙壬戌十月四日辰時卒于杭

單恩

嗚呼孺人汝遽棄吾而死耶汝歸吾三十三年其間貧困  
憂虞亂離禍難無不備歷吾於萬死一生中挈汝至此汝  
何忍遽死汝少吾七歲未及中身之年平日操持家政孝  
敬勤敏念吾艱嗣前後置勝者七撫其子如已出天道象  
福善也亦不應使汝遽死第汝體弱好勞兼以骨肉鍾情  
往往至於縈紆悶絕有失攝生之理吾屢以為誠汝雖知  
之不能自遣然此非但一日一事為然亦不意今日汝遽

死也汝往歲猶多病遷杭以來獨無恙日捐捐然為次女  
作嫁衣裳吾私以為喜去年冬塔方奠鴈卽有攜家入燕  
之說且聞親屬間蜚語如沸每與吾坐對神色慘變夜不  
復寐至八月四日往北郊別女而歸劇痢不起吾初不意  
汝遽死者而汝今日竟溘然死矣嗚呼骨肉鍾情動至縈  
紆悶絕不能自遣此固汝之天性獨計三十三年中吾赴  
公車汝方產育憶吾而哭暈絕數日而不死吾理新安忽  
值寇變遣汝歸閩汝不忍別欲奪劍自剄而不死吾為妄  
男子上書告密被逮金陵汝涕泣至三晝夜而不死吾為

大吏擾索力不能應坐待飛章汝憂悸屏食飲而不死吾  
為耿逆籍產牽繫就戮汝投井觸墻灼肱歐血而皆不死  
是汝向年處必死之地獨得不死者今吾幸燕閒無事長  
女暨壻重趼相從次女暫離勢必終合縱有蜚語紛紜可  
以度外置之皆無一事驅迫能使人至死者而汝反溘然  
以死嗚呼舐犢情深隨慶路絕猿腸久斷雞骨難支彌留  
兩月中度汝欲生亦必無生之理但問以痛女故而不恤  
其身身既喪矣女將誰恤不寧惟是吾年已衰滫瀡廁膾  
誰與經理長女在客外孫襁褓誰與依賴稚男未婚季女

未字誰與撫育吾知汝骨肉鍾情既不能自遣於生前亦  
必不能相忘於死後也屬續氣絕久而不瞑非以此耶嗚  
呼人非金石總歸於盡生死之間為大離合雖在骨肉不  
復相知繼自今吾若留一日之生或能為汝身後一日之  
謀否則吾亦不能自為謀也汝之鍾情至是宜可以自遣  
矣傷哉痛哉吾復何言

哭亡女芳佩文

字杜若少名寧生于康熙癸卯九月十五日亥時適壻錢塘學生翁必遂

癸亥四月六日丑時卒于京

二十日訃至望北設位哭之

汝母艱嗣以女為子而汝夙嬰羸疾憐愛尤至未忍一日



暫離也。我之遷杭，汝姊在閩，適壻猶偕壻，聞關至此，姊嘗謂汝受聘于杭，可以朝夕見母，爲幸。迨汝翁官於燕，以壻年少，不羈動，滋物議，命其挈汝之官。此則汝母與汝初不計及者。汝時猶不願行，而汝母亦面無人色。枕席有涕泣處。吾雖以暫離終合之說爲解，然知汝既行之後，汝母必死。汝母既死，汝必不能獨生也。未幾壻果自燕致書云：汝抱疴伏牀，聞計尤甚。吾謂汝母不可復生，汝果孝也。當以父老弟幼爲念，馳書寬譬者三。冀汝以義抑哀，稍緩其死。而汝竟死。嗚呼！當汝遄行之日，吾方染疾委頓，汝母出餞。

汝入而辭，今追思之。此往彼來，皆相與永訣就死耳。尚忍言哉！尚忍言哉！去年汝母之死，在十月四日。記汝前書云：以是日忽見母於舟中。今汝之死，在四月六日。而吾家老婢又云：以是日聞汝哭聲于廚下，似汝母方死於杭，而卽往燕。汝方死於燕，而卽歸杭。神奇恍惚，事不可知。要之人聚於生，鬼聚於死。旣痛生離，必求死合。乃理之足信者。嗚呼！汝行吾不及送，汝病吾不及視，汝歿吾不及訣。吾實不慈，負疚何極。惟是汝今已矣。吾自計年老弟幼，旅食異鄉，捨汝之外，別無葭莩堪屬。惟有待櫬南旋，或得昇向母棺。

前後撫持一慟合薦辦香以踐吾終合誓離之言成汝生  
離死合之願然後呼壻長別用挾母棺歸閭各安窀穸吾  
雖相從地下瞑如甘寢無復餘憾矣嗚呼痛哉汝靈如在  
當鑒吾誠

哭副室連氏文

名麗長樂人生于順治丙戌十月六日丑時康熙甲子正月二日辰時卒

于杭

嗚呼爾少歸我持身冰雪跬步弗違寡言啞啞舉丈夫子  
愈加折節恭事正嫡得其歡悅卯辰寇氛流離杙椳竄伏  
山叢兒賴提挈論爾勞績深閨俊傑我戒嗃嘻閑家劇切

惜爾不察鬱成內熱咳唾衄涎饗餐減輟日就羸尪皆我  
之孽病亟相呼執手哽咽痛我衰朽憐兒幼劣我思避亂  
攜家入浙冀享昇平骨肉成列豈期數年孩男夭折妻女  
生離相將死別爾秉家政又聞永訣頻年枚淚淚盡成血  
今血亦枯長號待絕羈人短檠難堪孤子哀兒無母強忍  
啖啜白髮殘軀旦暮摧滅生不同衾死願同穴

代祭雲間朱太淑人文

嗚呼惟太淑人坤德所鍾篤生世閥婉婉含容少嫺內則  
兼肄女紅相夫孝養甘旨是供撫育前女心罔異同卹族

屬則減貴推解立賢嗣則擇傳陶鎔雖錫帔鸞不忘蠶織  
縱成渠厦猶樂茅蓬八十餘年如一日其儉勤懿行皆可  
推爲婦德之宗胡爲乎婺宿潛光河魚委頓脩然坐蛻等  
諸決疢潰癰嗚呼天生賢哲以爲大用必有發祥之奇踪  
譬之玉由璞韞金藉砂蒙人賴其利鮮不歸德於淵藪山  
叢宜一時之在朝在野遠近親疎聞者莫不奔走而悲恫  
然而造物懸解始必有終年登大耋不爲不壽三膺恩  
誥不爲不崇且能忍割膝前之愛以君命不宿而自甘尸  
褻卽至彌留洮頰不及私務惟申申於忘家報國移孝爲  
爰抒悲悰

福山石潮和尚告文

忠是其用意上爲君父下逮民生皆可傳諸無窮今雖厭  
世長往亦何殊辭羣玉而歸坐於少廣之宮惟是母儀萎  
謝無以爲壺德之風某等下吏繫匏遙瞻慨愴犧尊敬獻  
癸丑夏六月五日福山和尚石潮計至而示寂乃五月十  
日也先兩月余遊開元寺爲霖大師言潮公與福山大殿  
未竟得癰疾甚劇及計至詢之果然嗚呼潮公往矣生老  
病死乃人之常然余竊以公未可死也公得法於天界覺

浪杖人慧解絕唱自天界入福山隨機接引化者甚衆其語錄如大海漫瀾萬惟惶惑望之莫測其端至爲詩文初不經意皆奇警可喜則剩技也辛亥遊吾郡爲霖大師以鼓山法門相屬時白眼者頗有異議事因中阻而霖公與公先後俱離鼓山識者憾焉嗚呼公與余同生今年僅四十有六耳以公見地如彼廣行善巧方便爲天人師正未有艾乃倏爾舍去反使世間杜撰漢紛紛上據高座從曲泉牀上學箇葛藤話頭哄騙愚人布施余竊以公果未可死也計者云公疾亟命聞於余顧余何知恨未得與公一

訣記余初晤公於天界公問余如何發心余曰願了生死公歎曰此最上乘也嗣讀楊復所先生語錄云若曉得原無生死便是了因瞿然有省則公之死與未死同先死與後死同謂昔日之生卽昔日之死謂今日之死卽今日之生亦無不同附贅懸疣決疣潰癰之說猶屬生寄死歸滯義公之欲聞於余也非以是耶雖與公訣何以加茲計者又云公傳法二高第付托得人則後此行知巧方便以爲天人師者亦自有在公未可死而可死矣嗚呼公往矣塵埋古榻日落空山千里知交能無愴慟然讀公之書傳公

之法皆公法身則香鼎石牀鐘聲幡影之外公實未嘗死也。虔貢寸香遙申鄙悃公其知否。

### 墓誌銘

#### 承德郎建寧府通判張公墓誌銘

始余肥遯建溪得郡倅張公式廬論學昕夕忘倦嗣公左遷別去余以閩變蒙難後客杭公猶寓書通問累歲不少間茲公既捐館二孤從事馬鬣謂予最稔公狀致書徵銘予悲悼久之義不敢辭公諱念祖字無念號永菴世爲絳州正平里人曾祖諱懷邦本州學生祖諱名教以歲貢生

任河南澠池縣學訓導父諱弘紀郡學生追贈承德郎福建建寧府通判公性至孝嗜學少失母俟安人從贈公卧起受章句年十五卽以文著補本州學生順治戊子錄科第一以恩貢廷試得通判職需次旋里益發憤博涉精研與義越數年贈公患疽且下泄劇甚公日夜泣禱夢一黃冠告曰吾有藥可療而翁而母苦也踰日果漸瘳康熙戊申授福建建寧府通判單車之官甘澹泊慨然以安民釐奸正風俗爲已任所司屯政罔事鞭朴計所輸分別旌勵民遂爭趨先期報竣有廣實米四千石例給建營其餘轉

運入省前官僅於正月開倉十日倉粒又以閉久浥爛民  
為折色有羨耗止願輸粒公按月徵支兵民賴之至轉運  
入省肩送登舟者計石資錢五文刻期運發農部嘉其能  
予紀錄一次所理倉儲有積逋七十石前官責之倉胥不  
承公閱牘得建甌二邑領稻文案因逮邑胥一讞具服倉  
胥得釋又有右衛猾胥侵牟倉粒歲值二十餘緡公窮日  
覈其出入罰兩年乾沒之數解省屯額遂增撫軍嘉其能  
谷之農部又予紀錄一次公嘗詣倉道經僧寺見男女駢  
闐觀作佛事歎曰風俗做壞一至此乎即逮僧懲示俗為

一變庚戌攝郡丞事廉劇盜歐七等十餘人置法衆咸稱  
快列憲聞公有弭盜之能以郡丞所司總捕之責改屬之  
公時署側有婺婦張氏費頗饒夜半被盜哭聲達於署公  
曰吾職總捕而盜賊敢公行於左右耻也遲明往按視廉  
得其窩贓物銖兩無失獲盜虞國泰等六人殪之太守孫  
公裔昌致書謝曰夜半失盜凌晨獲賊公其神乎此吾歷  
仕三十年所未覩者由是探丸屏跡公之力也時逆藩爪  
牙分布八郡網利監司以下咸仰鼻息有喬正庫踞建寧  
恣睢尤甚公因窮治博徒而杖其僕正庫啓逆藩且訴各

○憲○有○誠○公○以○不○知○誤○杖○爲○謝○者○公○正○色○曰○吾○杖○時○明○知○之○  
○今○乃○云○不○知○可○乎○且○有○旨○藩○下○人○不○得○散○居○外○境○正○庫○  
○胡○爲○在○吾○土○也○吾○之○忤○彼○猶○曰○執○國○法○也○彼○之○忤○旨○  
○當○何○以○爲○辭○乎○竟○不○爲○屈○嗣○又○有○兵○民○互○毆○庭○訴○公○曰○兵○  
○以○衛○民○民○以○養○兵○今○互○毆○若○此○皆○牧○民○典○兵○者○之○過○也○兩○  
○釋○之○營○將○欲○護○兵○責○民○公○弗○許○遂○與○有○隙○其○守○正○不○畏○疆○  
○禦○類○如○此○公○履○任○五○載○不○輕○受○詞○所○奉○上○行○訟○牘○期○於○得○  
○情○始○終○無○二○諸○憲○以○此○多○之○癸○丑○以○江○右○盜○流○入○屬○界○舊○  
○案○鐫○秩○瀕○行○哭○送○至○數○百○里○外○者○二○百○餘○人○有○義○士○李○文○

靖○勇○力○過○人○恐○公○途○次○爲○疆○禦○所○螫○護○至○廣○陵○而○返○亦○不○  
言○所○以○報○公○之○故○歸○里○後○數○月○閩○變○以○素○知○道○里○險○易○奮○  
然○欲○請○行○營○畫○平○逆○方○畧○家○人○以○公○衰○老○力○阻○乃○已○然○其○  
意○常○咄○咄○不○能○平○迨○平○閩○後○乃○喜○吟○曰○天○涯○盡○處○無○征○戰○  
兵○氣○消○爲○日○月○光○卽○寢○食○中○未○嘗○一○日○忘○君○國○也○丁○卯○八○  
月○二○十○一○日○以○疾○卒○于○家○享○年○七○十○有○二○元○配○朱○安○人○早○  
卒○繼○室○周○安○人○前○儀○賓○彬○女○男○二○長○煜○太○學○生○次○焯○本○州○  
學○生○女○二○長○適○學○生○李○平○律○次○適○太○學○生○段○毓○秀○皆○周○安○  
人○出○孫○男○一○本○誠○尙○幼○焯○出○孫○女○三○一○字○學○生○陳○永○祚○長○

子寅焯出二皆幼煜出以康熙某年某月某日之吉與二  
安人合葬於某所之原銘曰  
維忠維孝真儒之宅瞻彼丹山猶傳冰檠有形必化人非  
金石獨此垂芳萬年窀穸

林宗石文學墓誌銘

宗石林君諱伯響字均亨世居長樂縣前林祖諱承訓明  
嘉靖間進士授浙江平湖縣尹清介有善政因族惡暴其  
父棄官歸養舉二子長諱僑早世次諱日新有男五人君  
以次居長繼僑為後少嗜學善屬文弱冠補本邑諸生歷

試辟易多士嶄然見頭角時族惡尋仇不解已歷四世君  
一以和平之氣處之眾皆畏愛釋憾間有速訟悻悻者亦  
輒為眾口所屈以故終君之世不復逞云君篤於孝友祖  
母馬氏為大司徒鐘陽公從女孀守五十餘載君常以大  
節未舉為憾與弟四人析箸君以繼故僉言應半其產君  
慨然曰吾家世清白本無厚蓄若弟四人共得其半則所  
分愈薄將治生不暇尚能力學耶遂五之而取其一厥後  
四弟悉得自贍相繼舉茂才舉明經時人以為皆出君賜  
嗚呼當明季士大夫專尚浮文寡實行沉沒利欲故世道



靡靡日趨衰薄不復振起卒未聞有躬踐如君者出而爭  
救之殊可惜也君爲文困於俗眼屢蹶棘闈嘗設絳講習  
一時負笈者皆翩翩名流君亦以師資自予曲成不遺士  
多賴焉順治某年某月某日以疾卒于家享年七十有五  
男三人長辰徵次宏徵次定徵孫男愈高皆本邑庠名士  
於康熙某年葬君于某所季男定徵以君及門劉魯菴先  
生所述行狀請銘於余余惟君之德如此固余所樂道以  
傳者銘曰  
德全於已學違乎時鼎讓康瓠古今同悲君有孫子能獲

父蓄久而彌光誰能抑之吁嗟君兮勿傷數奇

吳宗彥墓表碑陰

武林吳子寶崖遊齊歸試卓然冠多士余讀其文如金玉  
之精其光芒不可得而闕也預以爲賀而寶崖則傷其父  
不逮已成立因出所乞淄川高念東唐豹崑二先生銘表  
示余且爲余述其先世多隱德其任獲鹿縣主簿有治聲  
者則高祖忠一公也其補本郡弟子員沉潛理學文行推  
於鄉屢試高等再中鄉闈副乘者則曾祖玉成公也祖東  
魯公抱道不仕至父宗彥公尤砥礪操行如還金數事悉

載銘表是則宗彥先生畢生嫻節蓋有所本矣夫賢理學  
祇在義利兩途辨出舜跖此外別無餘事惟是世人當取  
與未交之際無不以伯夷自命及投以非分之物則攘臂  
而起見金而不見人雖目爲盜跖亦所不恤經曰臨財傳  
曰見利臨與見皆當境之謂也先生之還金也非沉潛理  
學而有得者耶余以閩變蒙難之後繭足至此爲友人誘  
奪其橐坐是益困夫負痾疾者思古之良醫被虐政者思  
古之循吏事不相及而情難自已也假令先生而在余雖  
爲之執鞭所欣慕焉

### 行狀

#### 先府君行狀

康熙八年春二月乙亥先府君以天年捐館越三日既成  
服相者請曰府君業已在殯論定恒於斯他日窀穸之事  
將謁諸作者爲傳爲碑爲誌爲銘願輟哀狀之不孝雲鑲  
等稽顙唯唯嚮几筵而哭曰嗚呼哀哉府君已矣不孝雲  
鑲等罔極之痛將號天擗地之無從尙能爲狀耶且自惟  
弗類過佚前光雖爲狀又寧能悉狀耶然府君平生行實  
人習知之當就養新安時新安諸君子稱壽者無慮千萬

言其文具在徵之當有餘狀矣。吾宗出河南固始入閩後。世居會城濂江八世祖諱清以德行載郡誌高祖諱潮以曾伯祖都諱公諱庭學勅封中書舍人曾祖諱庭春閩邑學生祖諱煜以郡學生授儒官應舉子試幾入彀而蹶者再時論惜之。府君諱兆熊字天澤別號渭菴幼失怙恃伯叔九人以次居七娶先孺人陳妣早背續娶先孺人韓妣卽不孝雲鑲雲銘所自出讀書明大義年十七受知于督學鍾伯敬先生補郡諸生性剛直好氣節弗事家人產常務解人之紛周人之急傾橐無所吝坐是貲產驟落雖當

晨炊不舉不肯作寒乞態遇族屬富人輒訶爲守錢奴常慨然自奮曰丈夫寧受人憎不受人憐以故貧益甚然自知不能與世俛仰朝壘暮鹽泊然無所營卜築小齋於道山之麓環堵僅足容鄰日執一編督不孝二人苦讀戊夜弗休咄嗚則怒之如是者十餘年如一日順治戊子不孝雲鑲濫竽恩薦雲銘亦以是年舉於鄉府君掀髯太息曰功名乃兒曹事余老矣安能鬱鬱長作書中蠹魚耶遂謝舉子業縱酒自豪凡有客過從不問其爲何許人輒引坐對酌醉則遣之或撫琴較奕咲樂抵晚而罷率以爲常與

人交不知欺誣爲何事人有過則面拆令無所容既而不  
復記憶聞鄉曲有不平事往往義形於色不辭怨府歲乙  
未族有大豪通海稔奸恣先府君詬責撫拾睚眦宿隙嗾  
黨媒孽當事爲之投杼嗣直指使遼陽李公廉其奸狀摘  
伏入告是非始白然府君亦以萋菲故濱於死者數矣  
戊戌雲銘成進士授江南徽州府推官越三年辛丑雲鑲  
授江南碭山縣令是年府君以單恩勅封文林郎江南  
徽州府推官往來就養屐迹所至輒吮豪嘯咏著有湖山  
漫草詩集嘗謂人云詩所以寄興較論工拙則徒自苦耳

復舉二幼弟雲鑑雲鏞提抱課字以娛目前康熙甲辰歸  
自新安時族人中傷府君者皆相繼淪滅間有貧丐不能  
自食府君見之相持欷歔泣下周卹備至絕口不言宿憾  
時人皆多其有長者風云府君旣以氣節自許戶外之履  
常滿疲於晝接戊申七月忽患瘕疾雲銘以省居艱於避  
囂請遷建寧習靜迨茲歲二月十一日病亟以二幼弟爲  
囑且撫之曰爾其兄嫂是依自後悉聽教言若有違焉是  
違父也復謂雲銘云我沒當爲城隍功曹嘉爾婦孝德必  
力求賢嗣畀爾夜半整衣端坐抵曙而沒享年六十有六

有女第二人一適陳臧處士一適陳列金處士早世嗚呼  
哀哉府君已矣生而伉直沒而爲神其所藉以不朽者當  
自有在不孝雲鑲等毀瘠餘生何能爲狀又何能悉狀直  
道在人敬述其槩是所望於樂善闡幽者

先孺人韓妣狀

不孝雲鑲等早歲多病順治己丑五月先後以寒疾委頓  
先孺人忽以是月抱沉痾越七日見背僮豎受先府君戒  
匿不以聞當彌留之際不能跪受教命旣而力疾號慟暈  
絕牀簀先府君訶曰若病而毀如此獨不以父爲念耶苦

塊之次又不能擗踊盡哀罪何所容嗣欲從事葛弗輒爲  
形家所惑筮仕以來爲東西南北之人遷延二十年馬鬣  
未定不孝雲鑲等罪通於天尙忍言哉然先府君今旣狀  
矣行將卜地合葬而先孺人媿行有不容獨泯者謹按孺  
人出韓族諱懿卿世居閩之會城外王父諱應清以德量  
器識見推鄉閭孺人少患河魚之疾久治不痊有習唐舉  
之術者見而奇之曰是女年十四疾當瘳且適名閥能大  
其宗可勿藥也如期果瘳明天啓乙丑當前妣陳孺人見  
背之後歸先府君舉不孝雲鑲雲銘二人時府君方貧落

孺人欣然執爨。有時乏絕，不肯向人告貸。升斗日拮据，女紅以佐餽粥。夜分猶搢搢不眠。所御簾布襦裙，澣濯補綴，至敝不易。人問之，則曰：吾所安也。性謙謹，耻衒其能於人。無所譙責。與府君處道山之麓，十有八年。環堵之外，人不聞其語聲。凡里婦相過，卽屠沽負販之屬，靡不善遇之。常以府君剛直爲憂，從容諫曰：君遇人多所詬厲，隨不復記憶。恐人終不能忘情於君，竊爲君危之。又曉詩書文義，不孝雲鑲等幼時不能就外傳，皆從孺人點授章句，訓勉俱有條理。稍長，府君延師教督，孺人復爲減食治供，久而不

怠。師聞之，歎曰：有母如此，子有不成，令名者哉！時不孝雲鑲等粗學爲文，偶有得當，府君或持以誇客，孺人輒止之，曰：君何爲者？若他年二子明珠暗投，徒資人笑柄耳。人皆服其量。順治丁亥七月，海寇入犯省城，孺人謀曰：賊固知其無能爲，但彼衆我寡，援兵一時未集，必有睢陽茶紙之禍。因悉出簪珥衣襦之屬，售之得數錢，易米密儲。復閣越數月，城中米價果湧至十數倍，人饑相食，死者僵尸塞途。而吾家八口獨無恙。迨戊子五月，米甫盡而圍解。其料事之審類如此。然體質脆弱，常抱疴伏牀，雖夏月不去絮纈。

已丑五月十六日夜半暴病嘔泄不止絕而復甦謂先府君曰我頃往厨前見食器縱橫纍纍欲墜恐致觸損趣視之果然是知神之離形久矣卒時年四十一辛丑與陳妣俱以覃恩勅贈孺人嗚呼孺人已矣追思音容而今遠矣敬次其梗概以俟作者

賦

絕奕賦

戊申

余自還山以後卜宅富沙門無屐迹左圖右書之外從事剝啄日與素心人偶坐較勝抵晚客去輒效顰鄭介公兩

手自角總不能精因思精亦無用遂作絕奕賦以見志其詞曰

繫陶唐之遺制寓法象於枯枰方而靜為地奠圓而動為天成縱橫符璿玉之度黑白分晦朔之程時而生尅迭運時而盈縮遞更或見為河圖之數或推為星辰之行若能引伸其義自知衆理交并是故荀以累子徵危孟以射鴻證學劉既通以兵法尹又喻以音樂杜謂聖教有禪班云王道非邈彼雖所見不一總非謬為揚摧胡為乎沿及末流專技鬪角窮年相向矻矻拳握運巧沉吟矜爭勝著蘄

為藝王寓內跼蹐由是嚴武稱為人絕牟保賭得名疆甯  
兒伸於敵國師言重於遠荒延祐登護戎之劔叔文侍天  
子之堂區區方罫之間名利莫與頽頽母惑乎臨簷戰裂  
為鄭雲髮徹夜經營為褚思莊手談支氏坐隱中郎相誇  
相蓋如沸如狂爾乃二腕兵機尺幅狼燾敗則請復勝則  
驕譟甚至或聞喪而留決或戀劫而忘盜或名立而遂貪  
或投局而逞躁行檢之壞可悲性情之傷堪悼余當中葉  
頗有此好抽肝攄腸欲窮其奧體疲肩禱神喪目眊徒博  
嘲笑何資履蹈已矣乎效葛洪之拙謝李愨之工碁賜局

之中丞鑒免官之鎮東佩韋曜之正論追嚴老之遺風庶  
幾忘人我之滯相遊大塊之無窮亂曰滑能有善鬼與儔  
兮褚裔扞網異魏雋兮精習是術徒離憂兮爾木野狐將  
焉求兮吾願抱汝置江流兮不著為高斯言優兮謂僧一  
行爭先非吾所謀兮

浙江潮賦

庚申

東南巨浸厥名錢塘中分吳越積水洗洋忽乘時而鼓浪  
似消息乎陰陽既按期于朝夕尤獨盛夫秋光爾乃發源  
曲折迤邐歸注海氣吐咽激成暴怒始為一拳微波繼作



手層練素雖起伏而橫馳實奔騰而直赴於是乎側耳霆  
迅極目晝昏士女駢集搖神蕩魂或謂雷師縱擊陽侯失  
宅或謂大壑震蕩坤軸傾仄或謂子羽渡津蛟螭取璧或  
謂任公牽釣白波憚赫其始興也如猛將之喑啞萬夫辟  
易其方至也如疾風之飄舉千里瞬息其既平也如敗軍  
之瓦解崩倒狼藉碎碎焉匄匄焉萬籟同聲橋舌相向亦  
不辨其爲喧爲寂夫水稱上善爲物之平柔而就下乃其  
本情彼夫龍門灑瀕之險洞庭彭蠡之宏非亂石何以觸  
非驚飈何以攫胡爲乎以澄泓一水舍下而就上變柔而

成剛獨爲此不平之鳴豈其憫世風之日下而倒挽狂瀾  
於汨沒豈其悲厚貌之難知而揭示肝腸之如雪豈其病  
俗情之紆曲而自銜一往無前之徑直豈其傷時尙之奇  
表而擬爲蜃樓海市之荒忽噫亦異矣若以大道論之在  
天地一氣喘息不過如噴唾者之小霧大珠但人以七尺  
之軀周視方隅其細已甚猶坳堂杯水羣蟻爭詫爲具區  
宜其侈爲海內奇觀嘖嘖告語無不感歎而歛歔維是眇  
眇克應乃其守信於必協射弩引避何殊大勇之若怯端  
人所由傾心壯夫樂其義俠若夫志士陷於困辱塊壘起

於胸中則當吞八九而澆滌之然後解倚天長劍用淬其  
鋒揮斥八極取天下負心頭顱碎而投之以餒蛟龍吾知  
蛟龍必怒而不食嘔噦飛沫其波濤澎湃尤有甚於平昔  
之洶洶時西湖大會適有不能平之事故云

樂府新聲

結鞵子 巳亥

士為知己用拔劍對君磨豈無自惜心情深將奈何慷慨  
出門去遂與易水歌事成長咲別不肯復相遇

王昭君

辛丑

國色難自衒傷心辭漢殿寧將香骨委窮塵不把黃金買  
嬌面君王不解求國色國色豈從畫上得畫筆傳形不傳  
神况復為賂掩其真莫訝畫工多顛倒世間顛倒何勝道

綠珠篇

甲辰

石郎俠氣邁常流金谷歌聲日夜稠美人行觴客不飲座  
中呼斫無數頭輕視粉黛已若此豈有愛惜為禍始但恨  
陵奪情弗堪偷生忍辱何如死子羽拔劍河蛟除持璧睨  
柱推相如皆令豪強氣沮喪志士仰企同歛歛嬌姬善解  
郎君意當面骨碎樓前地千古傷心實快心誅夷籍沒等

閒事

倚蘭搽 丁未

蘭自有香不斲人佩。勿佩則已。何謂臭穢。蘭自有生。不藉人植。勿植則已。何用剪棄。謂蘭臭穢。其香猶是。剪而棄之。蘭抱香死。吁嗟。蘭兮。生可殘兮。香不可剗兮。

公無渡河 甲寅閩變

河之水流浩浩。萬頃拍天。爭奔倒艖。艖不敢輕理。楫壺非濟川材。奈何挾此欲橫。涉公乎公乎。清晨被髮。將焉求愛。公呼公公。不留蛟龍奮怒。中流急。公果隨波。帶壺入鼓。箜

篋聲正哀。魂招水底。庶幾來魂。來憐公。葬魚腹。公猶給我居夏屋。

行路難 時奔出閩關。被獲拷餉。

男兒志四方。出門何唧唧。非為別離情。道阻不可測。故人飲我酒。謂我當努力。仗劍登前途。陰霾起暮色。長蒿塞微徑。猛虎鳴山側。舉足觸長蛇。却步逢短蜮。在家思遠道。奮然情如迫。及至途窮時。欲歸未易得。且歌行路難。問天假羽翼。

善哉行 二闕。時下獄籍產。

長夜夢夢朝曦何時對酒欲飲憂來持願解一俯仰今古我  
生于茲前不我待後不我追解二申徒踏河正士所嗤媿  
避害非道之宜解三事功不立歲月如馳此心耿耿當待告  
誰解四謂天無意世人之癡天意若何終不可窺解五拔劍睨  
天歎無所施藏之寶匣為烈士資解六  
人生有涯天不肯私顧瞻北郭荒塚纍纍解一凡力不及不  
可強為心欲求足無有足時解二東陵種瓜古已如斯墮甑  
勿顧孟敏可師解三我有斗酒歌之舞之來日苦饑相與餽  
糜解四百年間事無非路危日月薄餽數亦不移解五丈夫自

命聖賢為期禍福淳淳非吾所知解六

艾如張時拷餉無一得脫者

西風悲鳥鳴咽虞人羅網千山結網絲交屬如繭綴離巢  
觸機隨地絕眾禽驚起下復高心欲他往無所逃哀相呼  
強哺雛今日為雛立斯須明日別雛克庖厨雛孤不用長  
佛鬱先後同是網中物

野田黃雀行

啾啾野田雀鳴逐相為歡觸入羅網中撥刺高飛難哀呼  
舉網者無罪何見殘舉網非為罪取肉供盤餐有罪猶可

怨有肉焉可寬誰使汝有肉當作有罪看

薤露

生年不覺盡溘然當此夕回思在世時營營為誰役親戚  
聞我死感歎相痛惜生人何足樂百慮交煎迫身至無所  
容求此不可獲死者苟復生夜臺哀送客

蒿里

北邙風蕭蕭鬼燈夜明滅妻孥哭相送下我黃泉穴清酒  
澆墳歸寒月照荒垤世事不堪論瞑然長謝絕有身為大  
患何以副明哲避秦惟有此桃源計亦拙

擣衣篇

鼠鬪于白水為海所敗

擣衣向晚秋風裏聲聲吹入婆娑耳哭聲喧比砧聲多良  
人去歲從軍死將軍不恤戰士苦日擁紅裙較歌舞聞警  
便載玉顏奔戰士無復守鞞鼓崩摧塞道盡僵屍甲兵芻  
糧棄如遺存者不計歸早晚猶堪刀尺將相思此夜明月  
照君骨縱有襦褌待寄誰撫君故衣已哽咽頻夜聞砧淚  
欲竭起視盎中乏斗儲與君亦無多時別

高軒過

有丐持銀礦一丸云能知礦處遂禮為上賓

珠襦霧縠搖風輕雕鞍白馬垂繁纓羣騶叱咤雷砰訇簇

拈○奎○樓○選○稿○卷○之○十○一  
簇○鳴○鞭○意○氣○橫○云○是○王○家○名○佐○經○綸○貴○卿○昨○從○市○上○倚○門○  
闕○僮○何○丐○食○茹○殘○羹○闖○然○易○服○鄉○閭○驚○口○詆○文○士○功○無○成○  
街○頭○乞○子○笑○相○迎○乘○時○獨○有○吾○曹○榮○當○除○襪○縷○學○騎○盈○來○  
朝○好○披○華○袞○行○

天馬歌

時侍御蕭公  
震下獄籍產

千○里○騰○驥○渥○洼○馬○驅○來○鹽○坂○鳴○鞭○打○日○暮○行○遲○俛○仰○難○不○  
如○早○死○伏○櫪○下○伏○櫪○早○死○安○可○祈○贈○蹬○道○上○且○休○悲○驅○來○  
不○為○負○轅○用○別○有○時○人○未○知○解○却○鹽○車○向○前○逐○磨○刀○霍○  
霍○謀○果○腹○爭○言○佳○味○堪○朶○願○一○朝○啖○盡○連○錢○肉○嗚○呼○肉○啖○

盡○願○還○骨○留○待○郭○隗○千○金○贖○

拈奎樓選稿卷之十一終

挹奎樓選稿卷之十二

晉安林雲銘西仲著

甬上仇兆鰲滄柱選

同里陳一夔瀕水訂

詩

五言古

登陣紀事

巳亥七月

萬物當芻狗。海波傳警息。巳亥夏六月。蹂躪江南北。官民不知兵。相繼自頓踣。延及宛與池。聞風墮疆域。新安失唇。

齒訛言相煽惑強者思走險弱者競逃匿我爲新安吏蒿  
目徒惻惻七月方上旬防兵反攻逼驍騎薄西城飛矢流  
如織空拳宿城頭有氣難吞賊海謀七人來詭辭誇戰克  
廿三抵郡內狼狽爲鬼蜮殲之演武場觀者無人色相挈  
避挑釁半城生荒棘叛兵拔營行所至掠新特更聞祁門  
令邑陷奔劣窮萬山盡伏莽民心多反側紛紛羽書馳軍  
情何其亟議戰苦無兵議守憂無食書生何所能惟有歿  
報國

白門治獄

庚子

大軍致凶年武事宜戒贖况重以大獄民生益其蹙當彼  
海波揚郡邑多沉陸治獄無均勞哀予獨碌碌白門路半  
千一歲三往復滯迹城南寺盈牀皆文牘晝夜不停披情  
辭賊心目事豈異人任敢不勤推鞠堦下問何囚昔曾乘  
華轂負恩不歿職棄組來匍伏更有反側子身家陷大戮  
纍纍百千命捨地囊三木自知罪不容相將堦下哭辭窮  
嗌若哇泥首願輸服閣筆爲求生爰書三四讀法律本如  
此湯網何能祝任勞且任怨不遑爭禍福涓水赤商君言  
之淚成掬刑官不可爲無計邀霖霖良夜起徘徊焚香拜



采真篇贈野雲子二首

采真休勸駕何處求造化兀坐博頑空汞鉛謬相詫蓬瀛  
 在眼前何築道傍舍我遇野雲子析疑三晝夜片言義盡  
 該丹籍為殘炙花笑烏啼中風吹木落下乾坤此理同春  
 秋無代謝欲認一點真須勘萬般假反照歸元時明珠懸  
 寶樹從君隱栖霞笑展秋雲帕  
 丹經多擬議總為陰陽譬豈知陰與陽一物亦一位四大  
 稱彼家何關他人事烝精本自周造化伴天地五行遞相

傳隨時易名字中發外斯應有機取如奇人自不叅  
 佗叅佗無他秘止一活死人饑食勞當寐煉成死活人三千任  
 遊戲何年拂衣歸鐵笛吹花瑞

贈別張公永菴

有引

吾道自關閩濂洛以後至姚江一變大約紫陽多  
 言其分文成多言其合龍谿繼之而章句訓詁之  
 學始訕余生也晚恨不及二先生之門負笈立雪  
 入芝城來自慙體驗未至矻矻印證經歲不窺戶  
 牖每歎閉門有師友而出門無師友山右張使君

永菴來倅是郡弘才卓識罕有其儷余偶出二王  
語錄相質見而喜之遂探其奧常顧余廬昕夕講  
究樂而忘歸人聞之始而疑繼而駭終亦莫知其  
所以然而然也茲以鵠秩分袂余察其意迥然自  
得無幾微出於言面非體驗之至何以致此因賦

十八韻志別

我乏應時才歸隱先賢里翹首瞻考亭典型近如咫出門  
無所營抱鄗探經史最愛王姚江兩言貫衆理朱陸合一  
堂章句成糠粃龍谿述師傅縱橫羣疑壘辯析入毫芒無

雙門下士此旨久榛蕪得之聊自喜使君佐郡來政簡心  
如水仁風拂山城萬戶欣欣累有時顧吾廬前席常移晷  
上下千百年談鋒無涯涘爲言二先生浩然徹源委遺編  
不停披胸次絕塵滓齷齪何足云富貴浮雲視相對常忘  
言大道本如是我今送君歸蓬門重掃軌悠悠世間人誰  
復與君似

七言古

會獵城南

巳亥九月

淡秋淺草黃瑟瑟良夜城南暗張單太守遲明擁金鞍雕

弓羽箭搖白日行行瞥見虎旗開分鎮戎臣結隊出牽黃  
臂蒼若脚蹶揮鞭共向南山滕一聲畫角傳悲風爭進喧  
厖窮卒律須臾驚起長牙猱走險踉蹌難超軼羣雉紛飛  
起突圍參差帶箭墮堂密纍纍捆載暮雲催下坂飛蹄闕  
遲疾帶得山頭柿葉歸猶疑腥血汚刀韞司李文弱不能  
從較獲山陬徒珥筆酌酒諸君前致辭從禽馳騁樂非一  
四郊伏莽今甫平願因從禽講軍實

堂密山脊也出尸子

憫旱

新安山峻田磽頻年患旱甲辰歲尤甚步禱月餘

不應居民皇皇僉疑蟹蠃爲祟因作蟹蠃曲

蟹蠃來三農哀桔槔輓輓萬山隈蟹蠃舞振四羽鳩婦同  
巢蟻穴開居民十萬啼些窳驕陽不化土生烟苦欲射烏  
無羿拊桺憤村兒仰首呼靈宮競沸迎龍鼓我爲請命屏  
車騎朝夕僂行重趼腐幾度山頭膚寸雲颼颼又觸飛廉  
怒韓公已往訟不與蜥蜴罌中枯欲脯聞說神巫雨可致  
迎來跳伏高臺寐詭傳帝子詔香車三日爲期驅旱崇吏  
民環臺積薪草至期不應焚巫禱巫言禱雨護月同月飽  
暮唇終復皓告吏民巫何與我當明刑或乖仁恕孝婦誣

死雨師停御戴令西京事可據將我上臺受焚去

四芝歌 有引

余理新安署後有翳桑一株中空如懸鐘偶生紫芝四莖大小異狀窺之則若隱若現不可得而取也康熙甲辰歲三月廿三日忽晝暝驟雨有雷在地盤旋如烟毳徑尺星星有火良久緣桑而上擊桑倒折而出其芝時信安徐文匠史溪鄧待菴三山毛文山翫而異之各有吟咏見贈云  
蕭蕭冰署植空桑。柔條沃葉歷千霜。不知何物生中央。視

奕奕含奇光。四朶依稀爭頡頏。小者如椀大如筐。一朝雨驟雷車狂。煙輪滾滾遶回廊。忽狀緣樹擎穹蒼。羣兒掩耳奔踉蹌。須臾日霽桑已僵。四芝躍出正當陽。龍馬宮闕煥文章。九華三秀難比行。羣兒駭置退思堂。高朋傳視如珪璋。僉言是物實為祥。翠羽朱柯古稱揚。搜岩剔穴獻君王。噐車醴泉名相方。今君得之慶非常。長歌短咏盡琳瑯。或言玉樹謝家郎。或言仙草壽久長。我思聖澤如露瀼。瑞卉故爾生遐荒。還是豐年嘉穀良。無情草木不為臧。若我涼德益難當。諸君有言增徬徨。宦海風濤不可量。牛馬奔

揚子樓選和 卷之十一  
馳坐背芒何日拂衣水雲鄉內芝鬱鬱自徜徉昔為四皓  
商山糧今殆為我促歸裝山中不聞採芝忙北牕高臥樂  
洋洋勿論為慶與為殃四莖儘堪支竹牀

### 遊黃山不果

客從黃山來動說黃山好三十六峰頭名詩墨染阜我獨  
不果遊碌碌新安道道上遊人何可數山靈妬我豈無故  
丹房久厭墨痕腥不許文人題新句

### 猛虎詞

乙巳感賦

採薪日暮荒逕歸逕荒野樹攀人衣駭見前林吼雷虎躍

來張願展爪生雄威負薪徬徨四顧避無所之呼虎霽顏  
聽哀祈樵夫老病肉無幾五體不足當君養虎言爾何誑  
人食衆物命豈論瘦和肥嚼噬如轉環傳聞他山六駿更  
猛喜我克伊飢爾作佞鬼向我勿惻惻同爾交臂單角惡  
獸誨我食山海經云中曲之山有獸名  
六駿如馬一角喜食虎豹

### 老女行

有引

及時匹偶人情也徽俗多賈於外婦持家政以男  
僕入室為嫌畜婢無配甚至終身不字此風休寧  
為最古詩云老女不嫁蹋地喚天怨而濱於怒宜

矣聊述所見以長歌當哭亦不自知其言之悲也  
海陽曉發女方汲身無完裙露足立手持縷練倚轆轤潛  
向寒泉垂頭泣停鞭問女何所悲自言我是良家兒十三  
賣與主翁後朝朝出汲供晨炊晝負樵薪猶未歇助織飛  
梭夜斫斫可憐蓬髻三十年更殘獨伴空牀月憶昔主翁  
方在家主婦嗔我整堆鴉年年許我嬌夫婿遲得春風又  
落花花開花落如流水隣女當年齒未毀昨夜良媒催覩  
粧鶯黃滿額躡絲履願爲巢梁燕雙雙入高殿願爲傳沫  
魚出沒同泥淤願爲人間木與土無情不識傷心苦語罷

哽咽淚沾巾勞人馬上眉爲顰九年不調傷心堪比倫安  
得高山頂上相對哭十句休寧一  
名海陽

白髮詞

用李長吉體

星星白髮勸爾一杯酒誰不知壯盛後當衰朽何勞一莖  
兩莖插標髻右蟬蛸何歿冥靈何壽臭腐神奇迭爲尻首  
相傳交股國東有不死民吾將解吾屣卜吾里傲殺人間  
碌碌等閒糠粃任爾白如菅茅黑如秬秠我只不對鏡不  
臨水本爲愁中生何事苦添愁夜遊秉燭無須問莫使樽  
空惜杖頭

嘲鳴蟬

啾啾不已山頭樹。日夜虛糜樹間露。自命清高第一流。不知朽木身中附。無端夏去忽變聲。苦向金天陳時務。惹得寒風朔北來。大家口結如冰錮。

松蘿真品歌

日暮聞鍾尋僧宅。僧童煮茗延佳客。向爐篝火沸綠濤。旋瀉冰甌浮香液。啜罷清風兩腋生。山頭夜月無盡明。謂僧此茶有異鐘。縷金截玉徒虛評。僧言新安松蘿本如此。非復尋常南源北源比。高巔半畝萬重雲。數株培在爛石裏。

俗腸不相宜。土人多未知。蔡陸今已矣。誰辨滬中滯。我歎九年新安何。草草春來採摘煎。嘗動矜好安。能求彼丹丘大葉兩三團。携上黃山六六峰。頭生羽翰烟旣歇。夜將闌再將活火續。莫待乳花寒。請聽玉池飛沫聲。唧唧茶在爐中長歎息。悠悠世眼知音稀。不肯逢人謾相識。

建溪行

一灘兩灘如相續。羊腸蟠繞百千曲。輕舟一葉萬重波。宛轉沿溪窮遠矚。夏漲冬乾故道移。順流激矢溯流遲。參差古岫聳寒骨。斷續啼猿動夜悲。軋軋持橈箸。繭發猛獸奇。

鬼爭前突篙師石罅闢方疲羣樹搖天日色滑甫過安瀾  
鼓柁行又驚何處起雷轟忽如萬馬來喧逐對面不聞人  
語聲神弩射潮何可得蛟螭摩吻伺人食咄咄安危毫髮  
間觴淡舟子難戮力吁嗟茲險真畏途人心之險更盤紆  
安得人心平一日溪山處處平如衢

贈別石潮禪師

憶昔芸編探理窟世途偃蹇徒沒沒白門晝夜相追尋漸  
覺晨鐘夢中發拂衣五載臥山陬嗒然長抱空山月曾向  
三氏門裏試青萍不於一佛二佛供秘醇忽聽欵門致書

郵乃知故人邀我武夷遊遺我數冊獅王吼踢翻千年性  
理毬語句詩歌鳴天籟千喞絕響非常謳三夏正苦日炎  
爍讀來但覺枕席風颼颼淡秋策杖來道故彼此相忘逾  
旦暮目擊道存不容聲君能運斲成風盡吾聖此意水中  
鹽味非有無言有言無均謬誤請問今日知者誰安得從  
君武夷峰頭相傾吐出門執手送君歸爲贈潮州刺史衣  
非爲常情重惜別故人別後知音稀吁嗟乎人生聚散本  
無定惟有心同理同天涯常依依珍重曹溪法派水十方  
塵刹一輪暉



送陳威玉歸武夷 有引

武夷小藏峯有舟欄石罅中不知始自何代名曰  
 架壑船遊人偶得片木詫為奇玩余妹婿陳威玉  
 世攻醫術尚氣節不為流俗所喜結茅武夷之麓  
 雲窩隱者李君磊英畸人也因寄余船木一片以  
 求十二龍賓製墨余欣然持二丸贈之蓋此墨得  
 畸人賞鑒不落流俗之手又得奇玩為招聲價增  
 重亦其幸也於威玉過歸書以為贈且質之磊英  
 我聞武夷嶮嶮去天尺三十六峯似手擘野鳥閒雲處處

幽高人往來稱仙宅中有仙船名架壑小藏裕衍橫石隙  
 百丈嶮岼不可攀悠悠千古摩穿碧誰將剡木倚崖輪鬼  
 工多是滄海為田畱異蹟我欲携杖恣探奇風塵鹿鹿滯  
 山屐陳君種下名山緣掉頭去作墻東客袖得仙船片木  
 歸狀如鳳毛色脂澤我謂此木長懸不計年有時飄落數  
 應謫神物飛去會有期莫向人前浪拋擲殷勤贈我還致  
 詞云是李君磊英供瑤席欲求龍賓十二佐霜毫因出笥  
 藏不復惜龍賓固是墨中精價重逾糜數千百猶屬人工  
 萬杵成何當寶玩自天獲羨君結廬盡室行芝草琪花共

朝○夕○採○藥○未○有○如○君○良○我○來○當○乞○千○秋○栢○世○途○得○失○何○足○  
論○仰○天○笑○看○凌○虛○船○寄○語○李○君○磨○墨○留○墨○汁○待○我○淡○秋○題○  
遍○山○中○石○

七歌

乙卯六月余以佯狂被囚籍產時屏絕筆札用炭屑畫壁而成縱橫隱現監視弁卒過之亦不能省以余爲真病狂也

幽○室○幽○室○如○樊○籠○四○圍○室○塞○羈○我○躬○自○惟○何○辜○獨○罹○此○中○  
宵○起○坐○憂○心○忡○衰○燈○向○壁○慘○欲○白○無○情○漏○鼓○催○齶○齶○嗚○呼○  
一○歌○兮○歌○三○歎○絡○緯○弔○我○啼○墻○畔○

健○兒○健○兒○何○赴○赴○舐○頭○交○陌○環○戶○守○市○語○雜○聒○日○不○休○村○

曲○無○腔○如○嗥○狗○有○時○博○塞○怒○鬪○爭○夜○半○忽○駭○轟○雷○吼○嗚○呼○  
再○歌○兮○歌○不○調○靈○均○魂○喪○未○能○招○

有○客○有○客○唁○我○來○十○猶○八○九○望○門○迴○登○堦○羣○狙○交○側○耳○對○  
面○不○敢○陳○悲○哀○主○賓○相○向○左○右○顧○推○整○襟○袂○徒○徘徊○嗚○呼○  
三○歌○兮○歌○聲○促○寒○蜩○爲○我○鳴○不○續○

素○饘○素○饘○誰○之○力○家○僮○屏○絕○皆○悚○息○木○蘭○好○友○義○至○高○一○  
日○輿○臺○三○饋○食○飢○來○思○餐○下○咽○難○庭○前○早○有○欲○炙○色○嗚○呼○  
四○歌○兮○歌○思○窮○七○箸○泚○泚○來○悲○風○

黃○華○城○東○吾○故○廬○門○祚○衰○薄○稚○兒○居○聲○言○吾○罪○驅○兵○入○籍○

北○李○權○送○和○  
沒○輦○送○克○糧○儲○家○人○榜○掠○無○完○體○窮○搜○斫○地○成○溝○渠○嗚○呼○  
五○歌○兮○歌○轉○惡○妻○妻○夜○雨○天○亦○泣○  
白○髮○種○種○病○且○死○異○鄉○拘○囚○何○日○已○老○妻○咫○尺○無○見○期○兒○  
女○斃○斃○滯○芝○水○伯○兄○少○弟○各○一○方○骨○肉○不○復○能○相○視○嗚○呼○  
六○歌○兮○歌○疾○呼○俯○仰○慘○淡○天○地○孤○  
丈○夫○生○當○危○亂○堪○悲○酸○虛○名○桎○梏○高○蹈○難○忍○死○佯○狂○干○戈○  
裏○長○蛇○短○蛟○爭○摧○殘○泰○山○鴻○毛○總○歸○盡○寂○寞○身○後○增○長○歎○  
嗚○呼○七○歌○兮○歌○變○徵○茫○茫○千○古○知○誰○是○

射虎行

獵○人○射○虎○鳴○弓○往○山○行○顧○盼○矜○李○廣○等○閒○覓○得○野○猪○歸○便○  
稱○虎○肉○求○官○賞○巖○頭○草○動○谷○風○來○疑○是○虎○嘯○爭○奔○回○跟○踰○  
道○上○和○弓○棄○抵○家○閉○門○魂○猶○悸○官○催○射○虎○勿○再○遲○辭○云○虎○  
有○自○死○時○虎○死○我○當○向○前○射○一○箭○定○穿○虎○腰○脊○

贈皆山子

鄭邲字奚仲  
兄郊字牧仲

鄭○君○兄○弟○瑚○璉○姿○胸○羅○萬○卷○臥○山○陔○屏○跡○城○市○三○十○載○高○  
風○同○為○海○內○儀○季○方○讀○騷○廣○騷○意○養○晦○待○時○宣○正○義○楞○嚴○  
奧○旨○訓○蒙○莊○郭○向○筌○蹄○咸○掃○棄○畚○鍤○躬○親○興○味○長○遠○稽○耕○  
隱○拾○遺○芳○近○採○忠○烈○繫○詩○句○此○志○堪○爭○日○月○光○我○昔○拂○衣○

神交早避地無由通紵縞忽值鼠鬪干戈橫無端滯落壺  
山道君爲冥鴻振羽翰我爲翠鳥痛金丸仰瞻霄漢不可  
卽東風吹下玉闌干喜君相遭恨見晚促邴忘形披情悃  
高談盡是濟時資知君雖遜意甚遠安得與君縱酒頻相  
過我爲起舞君浩歌醉後擁篲登碧落掃除欃槍淨天河  
世路紛紜不足恤屠龍技成用有日爲我寄問伯子意若  
何未遇知音休捫蝨

嘲虎偃

南山有虎伺人食人死爲偃侍虎側偃愚媚虎虎能飛擇

肉不復分瘦肥瘦肥且盡饒未已羣偃拍手助眺視助眺  
視真可嗤如何不記殺身時謂人有肉當倭虎死後比肩  
同事主吁嗟乎虎死終有期問偃無主將歸誰

四禽言 有引

寅卯閩變以來有衛巫監謗之虐人無敢言而鳥  
能言之世無公冶氏罔與辨也然以意譯之如此  
以俟採風者

脫却布袴橫征敲朴何堪數飢來無食寒無襦拚將骸骨  
填道路明日虎冠若再來除非剝下皮相付脫却布袴

不如歸去丁夫荷鋤往何處萬戶誅求骨髓空禍及溪山  
受刀鋸吁嗟乎開鑛君莫愚山靈豈肯為君助不如歸去  
谷谷孤室廬灰燼田荒蕪秋風燐火夜明滅賤子縱橫  
當路隅逢聞哭聲知村落猶向人家攬短襦谷谷孤泥  
滑滑身不衣衫脚不襪携家避亂入山叢足力不加中道  
歇回看婦女掠成行吞聲驚抱泣寒月泥滑滑

鬪鷄行 時余在獄久耿逆常與天兵將入鬪矣

獄卒飼鷄獄作籠鷄多在獄互爭雄膠膠角角分頭鬪帶  
血垂翎猶力攻衆囚心苦不耐喧驅鷄無計踰重門謂鷄

既在獄籠內勝負得喪果安在須臾客至呼宰夫一時骨  
肉同盤碎

醉時歌 丙辰九月十九日余方出獄

天地如大倉推易滯穀無停藏四時如大瘧寒盡熱來更  
煎灼人生短景如蜉蝣千古能知幾度秋世傳神仙盡死  
漢海外誰見真瀛州仰視浮雲奄忽改飛光頃刻不相待  
我去年少曾幾時少年時人無復在壯心未已嘯復歌短  
髮如絲奈老何追憶生平得喪事悠悠夢幻任蹉跎此後  
餘年安可冀放懷未得空顛顛且向天上寄却愁白眼銜

杯期長醉時事於我何有哉接離倒着逃山隈安能世外  
尋樂土荷鋪勿憂無處埋

### 悲交難

今人結交門如市市道不如交道鄙入市營營晚即休交  
當絕時害旋起交絕害起不須悲雉壇方軟知有是驚咳  
反覆爭錐刀厚貌淡情山川似君不見張陳本是刎頸交  
利盡相傾冷人齒絕交還在未交時欄戶徜徉賓鹿豕

### 述懷歌

評註古文析  
義成日作

我生不知何所緣長陰砭砭稱書顛眼光到處必鈎佻奇

文賞罷問青天三旬九食飽雲烟潦倒丹崖不記年少時讀書

道山二十摘髭銀案前三十躍馬曲江邊明刑南國司蒲

之麓鞭迂疎不慣賣嬌妍大吏只知虛名羶馮怒訶責禍綿綿

掉頭手註南華篇貝葉梵文取次研著莊子因及楞嚴楞伽金剛法華圓覺維

摩圖同時巧宦多超遷我獨九載空縈率四十朝議汰冗

員武彝有約峯頭眠或隨羽客談神僊或偕山僧叅五禪

私幸重負已釋肩放言物外任譏譏著捐齋焚餘十卷無端閩疆

烽火燁焚林竭澤難圖全覆巢之下仍拘攣兀兀但演義

文傳逆籬藉余家下余獄二年著有易解王師破竹下樓船釜底魚魂獲縱

抄本... 卷之十一

淵丙辰九月十九日王師抵劍津逆五十歸來建水沿劫

灰萬卷無存編瓶乏春糧襖穿妻兒相向淚潺湲故園

擾擾百憂煎重繭西湖路數千忽值故交相款延窮鳥依

人欣息翹豈期反眼作鷹鷂蕭蕭旅橐資饑涎自強擇木

昧幾先吞聲引避藏商屋湫隘囂塵僅數椽漂搖風雨危

欲躡飢來草具輟栝櫨寒怯衣單手足卷攤書夜讀窺昔

賢送窮舊套慵重詮起視銀河星斗懸搔首狂叫天何偏

詩書不及半囊錢何事畢生勞槩鉛不如為農耕薄田不

如服賈營腰纏不如從軍學控弦成羣裘馬咸翩翩不如

吹篴向東阡猶堪乞食供糜餼祇念丈夫窮益堅縱死不

願受人憐相如滌器臨邛川少陵窮谷鳴迤邐何必傷心

人棄捐古今冷煖亦同然不尤自省愆三冬文史還

乾乾扶抽奧義為重宜落筆與酣如迸泉且看梅花雪裏

娟一寒徹骨孤山巔呼起君復共流連仰天長笑動星躔

寄和虞山蔣文從西郊泛雪

歲暮朔風夜淅淅虞山雲暗天垂幕曉來碎玉碾西園起

跡梅花無處覓數里銀堤接水光探奇繡虎興清狂拍浮

潦倒羣英集共醉冰壺賞鷓鷯長陰捉筆珠璣發戰退六

花遲寒月一時贈答多名流。三都紙貴傾吳越。我聞此曲  
郢中和最難。况當勝會未同歡。回思閩地烽烟裏。此日無  
家臥石巒。吁嗟乎吳閩相去能有幾。憂樂懸殊乃如此。讀  
罷詩句心茫然。安得從君載酒占瑞年。

壽柴夢霍七十

名世雄  
號愚叟

西湖愚叟喜誦讀。四壁蕭然書等屋。抱膝長吟不記年。日  
成詩句娛幽獨。文章益工家益貧。無那握甌朱門新。塊壘  
五嶽起方寸。牢騷落筆追靈均。知君才如倒萬斛。名山副  
墨凌蒼旻。世態秋雲何足比。紛紜厚薄皆非倫。我昔濫竽

華轂下。論交海內簇車馬。而今落魄滯此鄉。反眼卽是誓  
盟者。要知人情離合非爲吾。翟公署門之說。胡爲乎好友  
還向書中結。披對又無炎涼殊。君今旣以韋編老。唾壺休  
擊傷懷抱。知音可遇不可求。味長還吾菜根好。酌君酒君  
莫辭三樂昔。傳榮啟期功名富貴等朝露。惟有讀書之樂  
無盡時。

贈羅隨園叅軍

名賢字倍  
千華州人

華山之下有名宿。胸羅萬卷不擇祿。勾留廿載老叅軍。冰  
署蕭然數竿竹。圖書滿架未全貧。等閒捉筆語驚人。飢胥



羸馬相先後得俸沽酒延佳賓。我亦同此違時癖。苦驗不知身在客。朱門舊識懶過從。願得素心共晨夕。羨君悃悃敦古風。摛詞大雅薄雕蟲。掀髯促鄰談經史。咳唾無與時俗同。丈夫開口露肝肺。何效女兒咕囁態。文章載道自有真。豈容刻畫添脂黛。君今所見既如斯。身後留名不朽宜。祇念名存謗亦起。寥寥千載未易期。縱令博得傳青史。紙上還知是阿誰。請看華山頂上天。如蓋人生不朽此。其最白雲明月自去來。常在聲氣文章外。

贈王丹麓

世人讀書營官爵。羨君獨得讀書樂。投跡朱門衆所喜。羨君獨求天下士。文章意氣推主盟。一時傾倒友聲并。西湖嵐沫多奇態。皆自騷壇健筆生。晉安野叟頭半白。爲避烽烟作逋客。書卷銷沉故友盡。短衣混跡漁樵宅。剝啄歎吾門。知君譽望尊清齋。欣促鄰目擊道斯存。遺我一編松溪集。參錯珠璣光熠熠。離奇澹宕不可名。又如瀚海波濤立。因歎當今著作者。朝華暮萎何多也。千秋大業還有誰。古云名下無虛假。願言讀盡君傳書。從君百尺樓頭下等閒。結得海內交。含毫談笑扶風雅。

五言律

登梅仙山

結伴捫蘿上。紆迴草徑微。野花迎屐咲。山鳥避人飛。殿角留丹井。爐烟襲羽衣。扶藜聊徙倚。袖得白雲歸。

偕友避暑慧林寺

炎曦何處避。數武得禪林。香裊烟書篆。風行竹學琴。平塘生野意。古樹集涼陰。相對忘機久。凭闌暝色侵。

渡錢塘江

東南推巨浸。極目水無垠。江海憑潮接。越吳就听分。曉迷

舟破霧秋眩。浪排雲渡後。征覓定村醪。慰夕曛。

越州晚泊

客路無邊遠。扁舟盡日行。閒雲歸斷岫。返照淡荒城。催暝蟬鳴亂。乘風葉落輕。遙尋烟火宿。解柁數鼃更。

越州下錢鼎臣榻

此日悠悠者。當年亦故人。誰知傾蓋士。偏歎哭途賓。北海樽常滿。南州榻在陳。論心未忍別。古道自嶙峋。

客杭書懷

老去偏為客。病多不耐愁。踈鐘千里夢。淡月半牀秋。羽檄

驚旁午家書絕致郵宵深眠未穩腸斷碧雲樓建州古蹟

夢先子

客夜關山遠嚴君何處來但承顏色喜不作夢竟猜昔缺  
娛庭綵今疎澆墓醅蓼莪安忍讀負罪在泉臺

七言律

庚子南闈分試計得士七人

南金聲價重三吳棘院清風取次俱藜火方乘燎火燦文  
星正逐使星驅龍光競吐豐城劍象罔爭尋赤水珠聖  
代黜浮崇大雅敢將軋茁謬相揄

一官久已廢丹鉛南國掄才濫執鞭羣道白肴矜白案敢  
期青眼得青錢雕龍宿學存先正吐鳳新粧屬後賢見獵  
喜心因癢技老姬歌舞倩誰憐時余作擬墨三篇

九日登梅仙山索和二首

高秋戲馬興何窮百丈雲堆一展通樹暗鳥歸山色裏風  
多人在葉聲中峰前煉藥爐煙冷渡口飛驂鶴跡空孰是  
鍾陵會上客情淡弔古與君同  
避地年來客思哀况當秋意老荒臺雲飛半嶺山根瘦雨  
洗平沙草色灰髮短不堪多插菊才踈止許獨啣杯巖頭

戒莫凌風去。此日徐卿帶箭回。徐佐卿九日化鶴事

春興四首

盡日晴煙處處融。園頭高臥百花叢。呼牛且問蒙陰吏。失馬全憑塞上翁。閱世既憐甘是苦。逃名端許拙為工。柳榆有鬼稱知己。不學昌黎浪送窮。昌黎送窮文春月所作  
習懶逢人到處疎。無情綠草上庭除。文章自古稱糟魄。天地由來亦蘆盧。說佛說儒兼說道。為樵為牧復為漁。堪嗤老去無他用。剩得新詩好佐鋤。  
落落萍踪息僻陬。清齋尚擁鸚鵡裘。舌存何處堪捫蝨。技

癢無時不汗牛。萬事總歸莊化蝶。百年同在壑藏丹。是非千古知誰定。且醉花前解杖頭。  
桃李爭榮耐幾時。天工消息老來知。當前但較連根菜。舊事曾輸一局棋。洗硯池邊蠅學字。編書屋角鳥能詩。悠悠與化閒來往。莫問東風欲到誰。

春去寫懷二首

贏得衡門一事無。閒庭獨坐數花鬚。枝頭雨歇鳩呼婦。屋畔巢成燕哺雛。客至不迎還蠟屐。詩敲未就懶操觚。生平壯志隨春盡。醉後何堪擊唾壺。

悠悠往事易成塵○白眼東園着角巾○自信幽閒能養拙○敢  
云貧賤可驕人○讀書漸喜華歸實○入世曾聞淡始真○一任  
鷓聲啼寂寞○年來不爲惜春蠶○

臘盡交春後大雪二首

片片清姿誰與倫○庭前飛舞樂天真○名園壓倒千家樹○大  
地鋪成萬里茵○冷面不隨東柄轉○白頭惟向北山親○拚將  
徹底消磨盡○豈受人間半點塵○  
姑射由來獨擅名○何勞俗子費推評○方疑鬢角行人老○又  
惟沙頭古路平○牕映餘光昏亦曉○屋流剩水雨中晴○天山

見慣渾無事○誤落南州惹吠聲○

靜寄

寂寂荒陬好結茅○煙霞不負舊時交○叅將水月無生話○筮  
得天山最上爻○客少空懸孺子榻○書多但擁放翁巢○草玄  
有志終須就○卻懶逢人說解嘲○

自克

金爐香裊午風微○日日耽閑靜掩扉○水面觀漚曾悟幻○簷  
頭御雀漸忘機○吟詩不學崔公瘦○入道還期卜子肥○獨有  
書魔降未得○幾番拋卻又編韋○

甲寅初度

余自三月聞變棄家出關被獲拷餉繫不能歸

只為虛名誤此生無端世網又重櫻喧天鼓角家千里搗  
月衣砧夜五更木偶漂流何處息銅人憶淚幾回傾憂時  
髮白還羞鏡欲賦悲秋苦不成

丙辰初度

餘生有幾病何堪剩得支床骨半擔兩度年華冤裏老一  
生學力難中叅虞公及我還求劍石父誰人代解驂夜久  
不聞南鶴曲獄燐來往弔空甌

冬杪大雪往嵐下尋沅兒

重繭荒山鳥道盤情淡舐犢敢辭難半城瓦礫家何處二  
載銀鎊淚未乾有藥憐吾艱却老無衣痛汝不禁寒更殘  
話久猶疑夢剔盡孤燈仔細看

柘浦下徐君培榻賦贈

戊午

相看掩淚久無言促席猶疑是夢魂我痛榕城畫地繫君  
悲柘浦棄家奔年衰喜述平生話情重頻傾此日尊休歎  
故交良會少亂離能得幾人存

過仙霞

巖關鳥道逼層穹極目蒼茫眾嶺空隔宿閩封辭客去前

溪○越○水○逐○人○深○風○中○野○草○無○邊○綠○日○裏○山○花○不○盡○紅○流○轉  
春○光○忘○繭○足○杖○藜○歌○笑○度○龍○窠

重遊新安

頻○日○緣○溪○箸○繭○船○到○來○猶○見○舊○山○川○烽○烟○甫○靖○多○空○巷○戎  
馬○成○羣○雜○市○塵○鬢○雪○自○憐○前○貌○改○晨○星○難○得○故○人○全○扶○藜  
父○老○爭○相○問○憶○唱○驪○歌○十○二○年

苦雨

寓福勝寺

積○雨○兼○旬○不○肯○刪○僧○寮○四○面○水○潺○湲○宵○眠○瓦○漏○牀○頻○徙○晝  
坐○櫺○疎○戶○盡○關○檻○外○呼○童○人○語○閉○堂○前○諷○佛○鼓○聲○頑○離○羣

怎○忍○凄○其○况○滴○斷○愁○腸○恐○續○艱

新安夜坐寫懷

蕭○寺○離○羣○客○小○樓○清○宵○獨○對○短○檠○愁○野○僧○有○意○留○甚○久○童  
豎○相○寬○進○酒○稠○瀕○海○風○波○還○警○報○隻○身○萍○梗○任○漂○流○夢○迴  
忽○憶○家○鄉○事○幾○度○驚○心○白○盡○頭

遣使移眷寓杭

誰○人○不○道○故○鄉○妍○輕○棄○闔○家○獨○自○憐○鼓○浪○鯨○鯢○橫○海○曲○潛  
形○魑○魅○伺○山○巔○蛇○方○剔○膽○悲○呈○腹○鳥○旣○傷○弓○怯○聽○弦○暫○把  
西○湖○謀○寄○跡○休○言○丘○首○計○歸○年

寄示內子携家入杭

亡羊莫訝補牢遲。痛定當思負痛時。取子鳴鴉曾毀室。棲  
巖文豹已剝皮。休言范伯謀三徙。且聽梁生賦五噫。碧水  
菟裘何足戀。他鄉樂處共鋪糜。

新安解纜

全交豈可盡人歡。已博羣公禮數寬。客到久時招厭易。士  
當窮日吐情難。吹篴伍子誰堪乞。佩劍馮生不耐彈。大笑  
臨風船載月。免教安邑累猪肝。

戊午初度

五十年來又一春。萍踪猶自逐風塵。酒魔妬我啣杯少。詩  
債逋誰得句頻。夢裏妻兒安共否。傳來兵火妄和真。驚魂  
未定怎堪此。片日迴腸兩鬢銀。

題楊文伯園居

存二首

夕攬朝寒願已違。眾芳國裏憺忘歸。方疑蕙佩携來幄。又  
道爐烟惹到衣。夜合庭前晴日煥。芰荷池畔晚風微。撩人  
最是多情蝶。猶逐書床陣陣飛。  
香入草堂

半畝迴塘似掌平。一泓水色正澄清。忘機不試垂綸手。玩  
世深知縱壑情。乍逐流紅吹細浪。偶親晴日破殘萍。騰波



莫笑池中物，暫息滄溟萬里行。  
碧潭魚躍

沈麻菴見贈三律次韻謝之  
麻菴博學兼通二氏

高寄雙眸企昔賢，不隨章句落常詮。  
金臺骨貴三千里，鄴架藜吹五十年。  
既擁丹經探衆妙，猶翻貝葉息諸緣。  
功深面壁忘窮達，豈獨雄文似灌川。  
由來大道本無言，抱膝超然日涉園。  
蓋代才名猶是障，到頭生死倩誰援。  
伯牙有操知音少，雪子無聲目擊存。  
爲悵真儒相見晚，好將性學共尋源。  
休文譽望一時雄，肝膽欣披國士風。  
程子語同傾蓋裏，周

郎交定飲醇中，多君道氣顏如渥。  
媿我窮途髮欲童，刻羽引商難共和。  
勉將白豕獻遼東。

禹陵 有小坎俗謬稱禹穴其實非也

平成千載頌庸功，陵寢依稀古越中。  
廟貌崇隆祀典重，碑文奇詭譯書工。  
盤松列樹橫峰頂，廢井無泉沒草叢。  
石匱遺踪何處是，登臨惟見水流東。

岳王墳

金牌召至虎臣休，半壁山河盡獻雉。  
土壤時亡猶可復，孤忠既喪與誰謀。  
茫茫宋室桑田改，鬱鬱滕城大地留。  
荒草

白楊今古月黃昏長照柏南楸

伍子胥廟

沼吳先見已明言寄子何難自出奔  
祇爲鞭尸伸父怨敢辭抉眼報君恩  
黃池會後驕心死白馬潮來怒魄尊  
最美梁公知古德遙祠燬盡獨斯存

林和靖墓

直把孤山當首陽世緣謝却許他狂  
詩成棄稿無人和客至開籠有鶴將  
豫結生前閒塚墓恥爲死後佞文章  
白楊疑逐清覓住盡作梅花一段香

十老吟

抱膝窮經苦數奇青衫未換髮垂絲  
閒言動插書中語方讀隨忘手上披  
頻怪少年多倖貴但題新句便違時  
無聊祇恨儒冠誤筆硯思焚改業遲

老儒

脫白山門歲月深空將破衲度光陰  
同叅盡入茶毗舍新戒爭開祇樹林  
拜佛倩人扶作禮看經依衆和成音  
闍浮住日無多子彼岸茫茫甚處尋

老僧

久依解宇結精廬雁鶩莎庭抱卷書  
泚筆但供岑子敏舞文專伺柳公疎  
九遷明府常迎送三考卑官未授除  
不待

漢陽訶布被公卿大器自成虛

老吏

同事從軍盡化燐。凋戈隊裏獨留身。箭瘢餘痛陰天覺。渥  
字留縑。皺面湮朽甲為衣。除舊鐵牛糧。註籍饗官銀。閒來

偶感西風動。猶說鳴弓逐戰塵

老兵

鬻身書券入豪門。豢養多年賴主恩。久典盤匱和灑掃。自  
隨祖父逮兒孫。既衰奔走難為力。有過鞭笞頗見原。但美

龐公鑿井後。快辭廝役作家尊

老奴

古廟荒祠作綺寮。殘羹賸飯佐腸枵。曾迎相馬呈襪襪。慣  
向莊馘賣管簫。官廩半生邀賑給。公門多載輟征徭。墻間

行徑逢人識。難把中庭妾婦驕

老乞

三十餘春隸教坊。自憐覽鏡減容光。琵琶不慣翻新曲。衫  
袖猶多帶舊粧。買笑故交無一在。倚門餘態未全荒。偶逢

俠少前挑問。動把生年截半藏

老妓

皈命空門薙鬢雲。嬌曇彌後續餘芬。久持僧戒加全倍。未  
嗅春枝透十分。貝葉常慵翻玉腕。閨情不復憶紅裙。尋師

雖免生嫌避。但苦登山要耐勤

老尼

寵擅專房憶昔年。花容凋謝歲時遷。施來粉面秋娘笑。學  
得蠻腰白老捐。短髻苦梳粧不就。柘枝自舞影相憐。衾裯

欲抱還惆悵見慣司空別院眠老妾  
失身勝侍最堪嗟巾櫛年年兩髻丫縱恥牙郎同賣絹難  
辭處士命煎茶有心待字爲奴配無齒長勞傍王家若向  
烏衣道上見免教周繒捉登車老婢

落花四首

子規啼後送春歸紅白飄零處處飛急雨澗中鋪水面輕  
風座上點人衣名園對酒遊車斷綺陌尋香粉蝶違莫悵  
枝頭今寂寞乘陽早已占芳菲  
名葩不復鬪春妍片片殘英逐地捐陌路青榆偏作伴同

枝綠葉忽無緣孤忠澤畔傷芳草薄命宮門泣暮鴉從此  
繁華銷歇盡再新顏色待來年

時至難留敢久稽榮枯消息聽天倪辭林恥戀枝頭露糝  
徑憑充足下泥羯鼓敲來艱繫樹曉風吹過不還蹊堪嗤  
剪綵供遊賞盜我虛名肉眼迷

休怨東風不肯賒文章滿地更榮華曾投茵席堆雲錦又  
惹遊絲織綺霞天女散空明佛法漁郎逐水得仙家乘時  
况復非徒謝果實秋來樹樹奢

落葉四首

楓○颯○秋○聲○萬○壑○哀○參○差○隕○籜○點○蒼○苔○疎○林○漸○露○槎○枒○梗○古○  
路○頻○添○蕪○穢○堆○翳○日○難○招○陰○息○影○凌○霜○端○讓○歲○寒○材○改○柯○  
豈○忍○輕○淪○落○會○奈○金○風○盡○力○催○

叢○薄○蕭○蕭○動○晚○風○曉○驚○曉○靄○趁○飛○蓬○柳○書○孰○惜○蟲○心○苦○橘○  
繭○難○縻○蝶○蛻○工○野○燒○濃○烟○隨○草○盡○晨○炊○宿○火○就○爐○空○山○頭○  
若○遇○悲○秋○客○惆○悵○凋○零○鶴○髮○同○

林○園○何○必○恨○紛○披○萬○象○成○虧○俱○有○時○名○遂○此○身○甘○自○退○秋○  
來○天○下○獨○先○知○桐○飄○蜀○土○尋○緣○巧○楓○冷○吳○江○得○句○奇○零○落○  
正○堪○資○大○用○南○華○在○昔○重○支○離○

索○莫○霜○餘○素○志○乖○饒○人○顛○倒○不○干○懷○削○來○封○國○無○非○戲○止○  
却○啼○兒○總○是○諧○貧○士○慵○樵○供○破○竈○官○僮○擁○篲○掃○高○齋○時○當○  
廢○棄○炎○涼○異○耐○得○陽○和○吐○舊○蓼○

秋聲

萬○竅○怒○呶○撼○碧○霄○嚴○更○傾○耳○倍○蕭○條○月○明○却○駭○桐○經○雨○水○  
遠○還○疑○江○送○潮○鼓○籟○笙○竽○無○與○和○催○寒○號○令○有○誰○驕○祗○因○  
識○得○歐○陽○子○盡○被○當○年○短○賦○描○

秋色

暗○淡○西○旻○商○意○遐○荒○臺○極○目○客○愁○加○澄○凝○古○岫○長○江○遠○點○

畫高天陣雁斜。山瘦參差紅柿葉。沙明隱現白蘆花。化工  
繪出寂寥相。不啻人間髣髴華。

秋氣

晴吳清淒白露溽。剛傳暑後怯衣傘。烟嵐入夜磨飛鏡。沉  
瀦凌晨宿掌盤。寄興西山堪挹爽。吹詩土鼓爲迎寒。臨江  
節士增悲壯。長劍持來照日看。

秋光

不盡虛明堪賞心。何嫌日薄半淪陰。漣漪逞素搖晴昊。鬢  
鬢含暉度碧岑。返照添成紅樹燄。晴霞射作繡甍金。問誰

示現空中影。莫把遊人着相等。

右四題總一秋景聲與色。雖着物而成。要當於物外求  
之。而聲從氣生。色從光現。是氣與光又在聲色之先者。  
尤難分別描寫。但聲色二義皆主悲愴。而耳目之用不  
同在。氣則藏有肅殺之義。悲中帶壯。在光則具有遊賞  
之趣。愴中帶樂。感觸又各不同。此四題之大旨也。余偶  
拈賦媿不成章。大方見之。或有惠教。則余所深願矣。

蟋蟀

庭堦唧唧欲何求。盡夜囂喧未肯休。不慕裳衣偏勸織。非

經老病便悲秋。霜砧韻裏乘風遠。金井闌邊對月幽。豈爲  
離人詩思苦。頻將哀怨助吟愁。

螢

出身微賤本荒坵。腐草無知幻作形。纔過園林依古木。忽  
登臺閣亂明星。青燐照野能爲鬼。黃卷披囊不識丁。休訝  
逢人頻作色。此時大火藉通靈。  
螢當大火前後飛出。得  
大火之氣而化。故明照。

蛙

青草池塘不住鳴。閉門猶聽隔牕聲。淫哇雜奏渾無節。鼓  
吹相方浪得名。憤怒未聞荆主式。公私惟待晉皇評。請歸

井底誇多見。莫向人前日夜傾。

秋燕咏懷

時欲移家  
出闌矣

華屋哺雛羽甫乾。金風吹葉上闌干。方謀去國知幾早。敢  
惜啣泥用力難。社日當行能記曆。崖窩可蠶解支寒。他年  
時至乘春暖。再向雕梁整舊殘。

雞頭

窪菱泥藕與爲徒。名借籬禽豈濫竽。索鬪無身堪介羽。同  
胞有子盡懷珠。纔驚縮蝟毛如刺。旋喜佳人乳似酥。聞道  
延年宜餌服。自憐白髮佐朝餽。

西瓜咏懷

佳種綿綿繞圃蟠。炎曦欣薦水晶寒。生來冷面成團鐵。剖  
出臣心一片丹。學道休辭茹蒂苦。王重陽食瓜先食蒂失侯敢怨灌  
園難。消煩別有清涼味。不許青蠅取次看。

五言絕句

題王丹麓罄宜園

存六首

耽寂事高寄。忘情卧正濃。有詩追趙嘏。無客下元龍。丹樓  
曲曲通幽逕。當花便倚欄。雖行無響屐。春色不勝看。迴廊  
黃昏臨水畔。鏡裏美人孤。戲作長門賦。問伊欲買無。芙蓉池

此花稱富貴。偏肯慰幽居。不買胭脂畫。休嫌應世疎。藥欄

東風吹綠滿。野色入書廬。自意原如此。窓前戒莫除。芳草坡  
豈端為友室。空谷亦怡情。墜露供朝飲。孤芳問屈平。蘭崖

題周雨文山居

存五首

薜荔何年落。含英一朶全。本來無媚骨。不肯吐花妍。石蕊  
何處搜新句。行來別有天。短吟隨步就。常在雨催先。尋詩徑  
為有江淹夢。欽崎列案前。案頭支不佳。藉此閣如椽。筆架峰  
方塘鋪嫩綠。眾卉及時芊。自有登樓句。何須夢惠連。春草池  
岸石平如砥。長臨綠水沿。一竿收風月。豈為羨魚懸。垂釣磯



雜詩四首

客○中○病○最○苦○難○得○妻○兒○存○還○恐○妻○兒○怖○家○書○不○敢○言○  
客○夜○無○多○夢○成○眠○便○到○家○杜○鵑○啼○醒○後○猶○聽○子○呼○爺○  
何○處○放○愁○來○夜○眠○驅○起○坐○幾○番○欲○斷○腸○低○首○自○摧○挫○  
秋○意○滿○高○樓○含○情○驚○遠○視○雁○來○橫○碧○雲○排○得○相○思○字○

擬古四首

無○物○益○君○裝○長○繩○繫○擔○頭○繩○長○堪○繫○足○不○向○大○堤○遊○  
足○繫○心○難○繫○繩○長○豈○得○力○君○心○不○自○持○願○記○妾○顏○色○  
打○却○簷○前○鵲○連○朝○報○客○回○更○殘○猶○未○到○空○把○夜○開○門○

休○打○簷○前○鵲○還○教○及○曉○來○明○知○音○信○悞○羸○得○片○時○猜○  
七言絕句

賞菊二首

簇○簇○寒○英○發○滿○畦○當○風○歷○亂○望○中○迷○俗○人○只○識○黃○金○好○錯○  
向○籬○邊○喚○裏○蹄○  
瘦○骨○凌○霜○晚○節○榮○不○隨○衆○卉○望○秋○零○餐○英○孰○是○君○知○已○只○  
有○三○閭○醉○獨○醒○

七夕

柳州以是日作乞巧文余思雖得巧亦無所用即謂之反乞巧可也

良○夜○停○梭○鵲○駕○遲○天○孫○為○巧○却○成○癡○何○如○人○世○癡○夫○婦○日○

日尋歡不待時  
何事穿針乞巧樓  
機頭誤彼盼高秋  
若能送盡人間巧  
願向天河共飲牛

清湖行舟觸石幾碎

聞溪歷盡險灘多  
快意清湖自在過  
無那安流偏妬客  
世途何處不風波

蘭亭

一壑依稀小徑盤  
茂林脩竹已荒殘  
溪山本是尋常景  
爲有文章異樣看

詩餘

望江南

客齋靜坐

清齋裏書案絕纖塵  
牆角縱橫蝸作字  
枝頭斷續鳥呼人  
靜處物皆親

憶王孫

西湖秋夜

輕舸盡夜宿波心  
月碎千層點水金  
弄影風微翠柳陰  
猛聞砧纔怯衣單  
冷氣侵

如夢令

戊午客夜聞鐘

剛把書燈吹隱  
輾轉寒牀不定  
客夢總難成  
何待夜鐘敲

醒休寢休寢率性拋開孤枕

菩薩蠻 咏雪有感

寒樓曉起驚蕭索。推簾片片璫花落。漫道客衣單。將來作  
絮彈。誰知天意妒。却與寒相助。舉首問天公。炎涼與世  
同。

又 庚申守歲

譙樓只聽三通鼓。今年便把明年補。總是一宵分。遂成兩  
歲人。通宵臨鏡好。細看如何老。看去不爭多。爭多能奈  
何。

謁金門

題吳寶崖停鞭按劍繡像

鷄喔喔恨把祖鞭生閣白眼橫空磨劍鏑夜寒星斗落  
提起人情堪愕借我將來醉斫飛騎擲回囊解縛負心頭  
共嚼

點絳脣

題顧苻文畫

別有山邨幽居掩映扶疎樹眼饒多誤喚作王維墅  
廣通神徑可移家住休收貯桃源舊路還恐無尋處  
廉廣

山老人之筆畫兵能戰  
畫龍能飛謂之通神筆

又 贈顧苻文歸吳門

筆奪天工四時景色生綾素客心凄苦難借毫端譜寄  
語歸舟載取吾愁去和墨楮寫來雲樹面面含陰雨

浪淘沙

題陳體上林泉垂釣圖冊  
體上當欄變獨能遠害

鼙鼓動闔封一片孤忠持竿避向綠楊風手上經綸穿赤  
鯉氣捉蛟龍湖海任飄蓬亂後生逢追思往事夢竟中  
早晚羊裘人物色豈是漁翁

惜分飛

新安王葉勸夫遠賈粵西聞  
其客死屏食十四日而絕

悔恨生離今已過共穴誰教分破忍把前恩墮冰心不受  
閒烟火幾度思量無一可但有安排摧挫死莫深埋我

瘴江尙未歸蓬顆

余亡室蔡孺人喜道節烈事亦調得蘇幙遮一闕詞云  
萬般思無計耐因甚當初勸往天涯外欲遂親歡還自  
害百死閨人未足償君債拜翁姑辭糲糲揩拭肝腸  
好向湘江會那管旌揚身後待許重芳名青史如何載

蝶戀花

咏落花生寫懷

落後凡花皆罷却獨此仙根生意留如昨俗眼但知欺寂  
寞等閒錯道東風惡隨地爲家能自託笑彼園葩苦向  
枝頭着結子泥中甘抱璞成蹊桃李真輕薄

漁家傲 憶山居

門對清溪蘆荻畔。野花開落巖頭滿。曲徑往來通道院。終日翫閒雲不許。青山管。欵乃正喧回棹遠。樵歌又逐棲鴉亂。暝色催將星月伴。歸臥晚窗虛夜久。爐香斷。

鵲橋仙 辛酉除夕

新芳掃屋新符粘戶。說是般般更易窮愁。獨不受人除硬。住過來朝初一。人情反覆。此生淪落。缺憾提他何益。天公半點不留餘也。扣去今宵三十。

又 武林守歲

街喧爆竹庭然新炬。猶記故鄉今夕。兒童拍手任歌呼。那管有衰年羈客。銀缸獨對寒樓。孤倚坐到來年。換曆愁絲萬丈。作長繩繫不住。東方遲白。

又 咏宜典周貞女未字守節

邃房衣麤靈輻香暗。說甚緣慳相賺。時人錯比柏舟詩。我未識當年髦鬢。夜合花剛宜。男草斬名義如山。難撼蛾眉蹙。皺欲終天未許。有張郎嫌淡。

余亡室蔡孺人亦調得瑞鶴仙一闕。詞云。麻衣因嫁設。伴鬼幄孤燈。夜分明滅。朦朧若來接。向未知郎面。轉生。

羞怯冰心皎潔誓畢生空牀對月想當年抱鴈家來已  
把雙翎分折休說冥途遼絕溫情翁姑死生何別古  
今義烈差片念誤全節拚伶仃形影拋將同衾熬到泉  
臺共穴莫道他巾幗柔腸鬚眉誰埒

天仙子 苦雪

倚藉寒風粧變態世路茫茫成阻礙長空黯淡怪天低飛  
鳥懈行人戒極目縱橫銀世界經宿青山驚老邁總爲  
憂時絲髮改暫憑賣弄逞嚴威成易壞時難再赫赫陽光  
雲裏待

踏莎行 憶人

淡月窓虛殘更燭短家園人在天涯遠夢中握手正分明  
啼鴉聲裏難尋斷芳草無情朱顏易換離愁味苦嘗應  
慣生平懶事爲相思而今也併相思懶

江神子

癸亥夏月羅隨園  
叅軍招飲環柳亭

炎天晝臥窘如囚強開眸別尋幽好友相招入座盡名流  
往昔傷心無限事當笑謔一齊休移樽傍石晚風稠柳  
枝柔掠人頭古木叅差疑是畫圖留醉眼斜看雲影破日  
色薄似清秋

感皇恩

贈嚴柱峯侍御入都

大業屬真儒。民艱國是久寄烏臺。筆簪裏。里門需次。德並  
西湖秋水。而今詣帝闕。榮無比。折檻朱君。埋輪張子。千  
載高標若山峙。燧烟方熄。寰宇尙多瘡痍。勿言無闕。失停  
封。歷。

驀山溪

警悟

明明知道活活街頭者。都是死胚胎。胎問誰肯死。前拋下生  
年易滿。逐日自挨排。談具葉。論丹經。到底空嗟訝。休言  
無念念起。如何捨捨得。悟真空。再參求。無中造化。這般作

用大易已詮明。水底月火中。蓮一切成閒話。

滿江紅

用辛稼軒韻和唐濟武太史見贈濟武以翰苑抗疏罷官究心理學兼通丹訣

自笑疎狂錯道了。今人無識。忽認得英雄對奕。此枰全北。  
抗疏鴻名存鹿夢。掛冠豹隱。驚猩屐。眼高懸。覷破世間身。  
無非客。乾坤大終歸坼。生死事誰能敵。望空中過鳥。善  
行無迹。閉眼戲場。惟守黑。回頭虛室常生白。問何時相對。  
碧山巔。忘今昔。

又

再疊前韻和吳寶崖見贈寶崖英年好作詞賦唐濟武太史少所許河獨見之而心醉

終賈才名知到處。逢人相識。更得個孫陽。屢顧馬羣空北。

郭隗方求千里骨。阮孚莫蠟平生屐。料文章定價在凌雲。  
金門客。楊雄字能分坼。江淹筆難迎敵。暫雕蟲應世。休  
嫌陳迹。多是吹竽欺律呂。幾人得句。凌元白待時。來肉眼  
認頭顱。驚非昔。

又三疊前韻。送游子六歸闕。子六精

於天學。著有天經。或問前後集。  
亂後生逢恠。彼此蒼顏難識。若論起文章。聲氣何曾南北。  
把臂重詮纏度尺。軒衣笑乏登天屐。奈西湖挽不住。扁舟  
歸鄉客。圖書數。因何坼。朱陸辯空成敵。在此心。此理迴  
超形迹。那管沙門爭棒喝。憑他羽士談黃白。念胸中各有

一璣衡存平昔

又四疊前韻。壽王延叔七十。延叔係陽  
明先生後。有孝德。二子皆有文名。

千古真儒有幾個。姚江明識。打破了。鸞湖鹿洞。斗星橫北。  
俗學雖探天祿筭。浩歌孰踵爐峰屐。羨薪傳嫡系。衍箕裘。  
西陵客。談經術。河汾坼。稱孝養。曾門敵。向墻東。避世市。  
無留迹。杖國時。占西氣。紫觥堂日醉。南辰白。况庭前。二鶴  
勝機雲難爲昔。陽明先生登爐  
峯浩歌不喘。

又題吳宗彥桃源圖遺冊

人世塵囂。那里有桃源佳境。若現在武陵地面。何逃前徑。



本○是○漁○郎○尋○鹿○夢○因○教○太○守○詢○人○井○古○今○來○疑○隱○又○疑○仙○  
徒○爭○競○前○為○記○詞○華○勝○茲○寫○照○丹○青○並○似○蜃○樓○蛟○室○幻○  
成○奇○景○但○欲○遊○心○方○外○趣○不○妨○寓○目○空○中○影○况○浮○生○萬○事○  
假○和○真○難○拘○定○

余○亡○室○蔡○孺○人○咏○仁○和○沈○孝○女○刲○肱○殞○命○調○得○滿○江○紅○  
一○闕○附○載○於○此○詞○云○廢○寢○忘○餐○但○指○望○萱○堂○起○色○猛○聽○  
得○醫○人○耳○語○夜○來○當○絕○擗○地○誓○將○遺○體○代○呼○天○暗○把○爐○  
香○爇○按○金○刀○良○藥○腕○中○尋○親○調○燮○耐○不○起○瘡○中○裂○流○  
不○住○樓○頭○血○向○攙○扶○老○父○那○堪○聲○說○白○髮○春○廻○雙○豎○夢○

蛾○眉○魂○逐○三○更○月○謝○夫○君○莫○怨○暫○歸○寧○成○長○別○

念○奴○嬌○愁○味

問○愁○何○物○記○當○初○那○里○和○伊○相○識○慣○認○眉○尖○尋○舊○路○誤○我○  
花○朝○月○夕○向○壁○搔○頭○闌○干○倚○遍○倦○眼○慵○春○色○平○蕪○大○地○一○  
齊○顰○皺○如○尺○正○苦○白○髮○頻○催○無○端○萬○緒○牽○人○腸○應○直○戶○  
掩○黃○昏○剛○就○枕○惡○夢○更○番○突○入○斥○去○還○來○除○非○拚○飲○醉○死○  
華○胥○國○酒○多○晨○困○又○將○前○病○添○劇○

解○語○花○題○王○丹○麓○草○堂

明○樓○瞰○宅○瘦○石○橫○堦○倚○砌○幽○窓○小○朱○闌○廻○抱○簾○櫳○外○不○盡○

名花迎笑輕風忽掃飛點點文章鋪繞最喜他丘壑多情  
捉筆供詩料倦去拋書搔首問繩牀竹枕不拘時候鳥  
喧催覺夕陽入猶訝晨光初照朋過載酒便待月開樽傾  
倒耳熱時率意成吟故故矜工妙

又辛酉上元燈夕周雨文招飲山齋以雨阻不能赴作此謝之并以自解

平蕪釀綠殘雪留痕又上元燈節春光堪掇思遊賞雨脚  
終朝攔截華筵開設難逐隊分沾蕉葉想名園亦似高人  
不妄隨人熱此日料諸同列得周郎相顧詩句清絕流  
連更徹但豪舉呼不出雲中月羈人情怯賴盡夜長眠藏

拙若不然滴碎鄉心添許多凄咽

萬年歡用史邦卿韻答唐濟武太史索和二闕

勝會名區羨聯翩鉅公肝膽如雪撫景興懷難抑筆花抽  
發唱和中多逸致俱譜出新聲奇絕疑瑤殿霓曲方喧被  
風吹落仙骨當前繁華易歇嘆人生似客甫聚輕別千  
古長存還問認是何物休笑鷓衣浪跡盡卸却從前巾鞵  
胸中別有一壺天能吞萬丈潭月

夙世逍遙記山名藐姑人若冰雪未識何緣到此警心明  
發最苦逢迎技拙五十載顛連幾絕如今已白髮盈頭僅

留無用癡骨。家園鼓鼙未歇。暫飄零浙水。丘首遙別。夢醒邯鄲。何件是我家物。休學名場自苦。作宰相穿新鞋襪。西湖上。白眼橫舟。良宵不負風月。

又 疊前韻。別法黃石。夫子東歸二闕。

絳帳睽違。忽西湖客中。欣立程雪。每見春風坐裏。奇文颯發。落筆金敲玉。戛似石鼓秦碑。殊絕奎光。暫遊戲人間。豈伴章句凡骨。何期陽關唱歌。悵三時聚首。言下揮別觀。海登山。此外有甚人物。猶幸瑤篇在篋。併被體貽留衣鞵。  
夫子見賜 佳繭毯鞵 黃山縱是各天涯。情聯共夜明月。

異地飄零。遇從前故交。情泮湯雪。藉有文章青眼。寄藏傾發。竊附侯芭管。蠡但篤好。玄經高絕。他年或寄跡東齊。執鞭休擯窮骨。而今思鄉念歇。任天南地北。一樣拋別夢。幻乾坤。身外豈用長物。孺仲猶甘擁絮。笑杜甫憐兒無鞵。夜來理甕缺。晨炊寒廬。仍自吟月。

又 嚴視公以畫竹見贈。卽有薄陽之行。疊前韻誌別。

片幅丹青。作數枝琅玕。離披堆雪。想見靈丘隴上。碧鮮疎發。潑墨長空黯淡。似玉蕊瑤花。方絕清齋內。正值炎曦。猶疑寒氣侵骨。西湖友聲未歇。忽輕舸短劍。驪唱分別到。

處逢迎知是海內英物莫訝駢闐縑素作投地洋州新鞵  
勝王閣下待名人風流夜夜杯月

花心動

羅隨園招飲賞桃甲子二月六日春分後兩日也

春色平分羨名園仙種絳趺鋪樹曬粉蝶狂學語鶯嬌早  
占賞花佳趣乾坤如錦晴風暖晝弄影簾櫳香度叅軍幕  
幾成漁涇問津迷誤更詫新楊爭妒還抹綠拖青隔墻  
回互天上寄愁地下埋憂貫酒鷓鷯堪付飛光九十今過  
半最當惜殘英橫路金尊裏喝將東君攔住  
人世繁華似這些紅糝遊踪凝目盡底鋪排一霎飄零算

來何榮何辱東風無那齊催發驀占得錦衣如簇相花面  
大家發赤猶知慚恧覷破浮生易足暫箕踞長吟滿樹  
清醪一切利名悉等空花孰是雄飛雌伏此心與化閒來  
往且休道榮枯反覆醉濃後笑呼古今猶促時隨園量移粵西藩幕作  
此以廣其意

挹奎樓選稿卷之十二終

Large stylized seal or watermark characters, possibly reading '吳' (Wu) or '吳' (Wu).



程